



89396

光緒七年正月  
鑄於淮浦

張石樵  
先生  
禮

簾

蓋平後學姚正鏞署



石樵先生遺集

三百四十三首

目錄

題簡

一頁

目錄

二頁

象贊

一頁

行狀

六頁

墓表

五頁

別傳

三頁

味真閣集卷上

目錄

題簡

一頁

序

三頁

題辭

六頁

古今體詩三百四十六首

附錄十首

七十八頁

味真閣集卷下

古今體詩二百七十五首

附錄四十四首

八十六頁

晚翠軒集卷上

題簡

一頁

古今體詩三百四十三首

附錄三十八首

八十七頁





晚翠軒集卷下

古今體詩三百六十三首 附錄六首

九十六頁

跋

二頁

兩集古今體詩都一千三百二十七首 附錄九十

八首

都三百七十八頁




目錄

二



石槧峯先生九十歲水象

庚申秋九月  
萬歲  
作於  
吳陵



曰有君子高淮大頤威德在躬潛曜  
 弗施益曰弗施畏壘尸祝言必有中  
 億北蒙福奇哀鬱鑿高文何綺操領  
 招覓雲蜚風起游歷江山跌宕宿文  
 心超塵表冲蒼夷粹杜陵晚歲移家  
 辟兵祿養京國重見升平惟公家學  
 曰孝與友通於神明夙貽厥後我  
 童遊見公潛園小子有造載咲言  
 采薇先輩論支神契示楹書  
 耳中畫所馮依有粹其宮伊宛  
 詩中畫所馮依有粹其宮伊宛

同邑年家子陳森謹贊益平後學姚正鑄謹書





清故儒林郎 馳封奉政大夫翰林院編修加四級候  
選訓導張君行狀

君名安保字懷之號石樵一號叔雅晚更潛翁先世籍  
崑山元末遷儀自祖以上世有隱德考早歿子殤君本  
生考贈翰林院編修祥景公命君爲之後贈公生子四  
叔卽君贈公少孤貧操履方嚴歲凶幾不能自存恆忍  
饑課諸子讀君最慧所居僅容膝寒暑讀不少輟嘉慶  
庚午受知於督學使者玉公麟擢弟子員第一時年十  
九庚辰食廩餼爲高才生省試十六薦不售道光壬辰

行狀

以例貢注選訓導於是絕意進取始君畱心世務於國  
家利病民生疾苦時時講明切究所交游如涇包先生  
世臣歛黃先生洵荆溪周先生濟上元管先生同甘泉  
楊君亮皆世所謂賢豪間者君與上下論議學益進兩  
淮鹽法淮南綱歲行百三十餘萬引東自秦州西達安  
徽江西湖南北諸省轉運半天下唯儀徵縮其口鹽出  
江必於儀改包捆掣特設鹽運同知一員大使一員駐  
邑專監掣批驗場鹽到儀需用秤斤包索捆載江運則  
有捆工埠頭諸色人領其事鹽旣運岸船回則載皖江



湘鄂諸物產魚米竹木紙布之饒及滇黔藥品嶺南珍異由水驛至者悉附舟下貨於儀因之商賈雲集公私仰給下至販夫販婦無業小民老嫠孤嬰少年羣不逞之徒皆藉餬口蓋食其利者數十萬人歲辛卯淮綱既滯鹽政裁歸總督江督陶文毅公奏請以淮北綱改票鹽行之有效於是淮南亦議改儀徵捆掣爲就地徵課之法以產鹽之場爲捆掣之所歲省費若干君爲邑人上書言淮鹽就儀捆掣歷有年所前人立法意至深遠今恡小費壞成規立予數十萬人無所得食區區一隅

行狀

二

之地不足惜如大局何且奸商取巧私梟充斥鹽法之敝在彼不在此因歷陳得失磊磊凡數千言大府爲之動容然議成不可悔會鄉人官京師者以聞於上事遂寢闔邑之人皆曰張公活我而君無幾微德色其後某公督江南卒以淮南改票國課旣絀民氣不生馴至梟徒亾賴亂是用長云戊申巳酉江水疊漲倒灌入田廬揚郡自儀徵至高寶興泰諸州縣悉被災郡發倉穀數萬振之主者重郡城分穀江都甘泉各萬二千石餘各四千石君以儀邑濱江鹽不得捆災尤重力爭之得與



附郭縣並全活無算嘗修學宮建書院移節孝祠於爽  
塏地采訪貞烈數百名請旌表邑有崇節堂月給發  
婦錢君并募貲增百餘口凡邑中善舉罔不在而於崇  
節堂節孝祠先後二十餘年則終始其事郡考棚舊設  
泰州地狹而圯亦藉君力率先請於學使者廓其基址  
庀材鳩工一新輪奐士人便之論者謂君能任勞怨持  
正識大體故見諸行事如此生平篤於內行性慷慨好  
施與推賢讓能獎掖後進見人善譽之不容口受人之  
惠終身不忘贈公嘗鬻田治母喪後不能歸以爲大戚

行狀

三

君積數十年力以教授所得金歸其田家稍稍裕乃葺  
所居老屋蒔花藥延耆老賓客爲二親壽于時贈公夫  
婦年皆七十稱觴之日人謂有子贈公歿君哀毀過禮  
旣葬時冒風雪展墓旁皇春秋祭掃合族飲酒一如贈  
公教墓植松萬株嘗欲建家祠其側置祭田供祀事以  
其餘贍族力不逮則以語後人伯兄某卒一女無子君  
以丙炎後之仲兄某績學不得志感心疾事之唯謹季  
弟以遺子女三子甫五歲又遺腹生一子君爲撫孤成  
立婚嫁如已出故人子舒祖椿大興孝廉位之嗣君契



其父時顧卹之同學李某子允源能讀書君招至家待  
如子弟內鄉王先生檢心令儀邑議修邑志延君總纂  
君辭不敢當舉劉先生文淇劉故長者更讓君人兩賢  
之邑故尚書黃瓚宗人府丞施朝幹孝廉呂彩程愷皆通  
門名德君嘗接引其後人叵友巴堂少贈君裘君服之  
數十年裘敝襲如故曰服此如見故人也其用心之厚  
類皆人所難能咸豐乙卯君依贈公墓構西崦草堂爲  
終老計猝遇賊君及孫允鴻皆斫傷而卒無恙人以爲  
積善之報君博學工詩少與潘文學宗藝黃孝廉盛修

行狀

四

齊名汪先生端光嘗稱之所著有味真閣詩鈔十二卷  
文鈔四卷駢體文一卷清暉堂詩話四卷唯詩鈔行世  
餘並火燬所存僅晚翠軒詩鈔合前刻其若干卷目短  
視善八分書晚年日臨漢碑數十百字求者踵接購書  
皆手自精澀暇以一編自娛每謂一日不讀書則心無  
棲泊亦其性然也同治三年丙炎供職京師君前一歲  
就養其第遂以是年四月十二日考終君例官訓導道  
光壬寅以江北防堵功議敘加六品銜戊己捐振疊加  
一級同治壬戌恭遇 徽號覃恩以子丙炎官 馳



封翰林院編修加四級生乾隆壬子閏月九日娶李宜  
人子二丙炎翰林院編修出嗣兄某丙瑩監生女三一  
適從九汪國麟一適廩生吳學泰一適監生萬永輝孫  
四孫女四雲官與君同里君於先君子交最篤雲官幼  
登君堂君撫愛甚至迨先君子見背雲官年十七家徒  
壁立貧不能具含斂君爲助舉喪以雲官稍解把筆命  
從上元許先生今翰林起居主事宗衡學爲文字并助  
膏火月給吾母饘粥歲在壬子雲官入學君大喜以爲  
鄭氏有後因勗雲官益努力期以遠大雲官謹志不忘

行狀

五

旣大盜據金陵揚州屢破兵戈阻絕遂不相見今年雲  
官以從軍積資用補河南鹿邑知縣入都 引見聞君  
健在飲酒文譙如平時冀旦莫得奉起居望顏色遲之  
兩月遽慟撫棺嗟乎君望雲官意甚殷徒以老母卑棲  
下士苟就祿位不能自拔于風塵又不及一見君以求  
一日之誨睠言疇昔良用隳志逝者之痛不特負知己  
地下也令子丙炎將以某月日扶君柩歸卜吉於邑之  
北郊穆家壩之原君自營生壙也以雲官稍知君命次  
行事雲官雖不文其敢辭謹臚列事蹟敘而錄之伏惟



大人先生采擇同治甲子秋七月邑後學鄭雲官謹狀

行狀

六



通奉石樵先生張公墓表

吳昆田

石樵先生既卒之六年其子丙炎以翰林出守廉州過清江浦與昆田相見乞爲先生作傳且言先生係本親而封贈例必以馳心劇不安昆田曰此子之孝思也然先生之孝弟公誠昭於日月爲不朽矣昔朱文公聘士劉公先生墓表有云與人交誠信懇惻同里胡公明仲侍郎蚤出爲季父後不自知其本親鄉人多竊議之而莫以告先生獨爲移書本末具陳所以然者胡公感其言爲數歸省恩禮略備議以少息子之不爲胡侍郎以

墓表

一

教育於先生也先生以子爲兄後承大宗教子力學不振家聲而無幾微吝惜之意至德爲何如者鄭雲官所著行狀極簡要可傳昆田敬爲表墓之文可乎前年丙炎自廉州來書復言之頻年多故心緒棼如遷延之罪無所逃避謹泚筆而次其事先生諱安保字懷之號石樵一號叔雅晚更號潛翁其先元末由崑山遷儀徵曾祖光祖祖秉倫父祥昇本生父祥景贈編修生四子先生其叔也生六歲而祥昇歿以先生後之祖父世有隱德家貧先生從本生父受讀與兄一室相對常忍饑讀



益勤年十九補弟子員文名噪一郡受知於學使湯文  
端公金釧十六應省試不售遂棄舉子業潛心聖賢之  
學博稽載籍而不汨濫於詞章以馳騁功利其與昆田  
書有云自少至老未嘗一日廢書數十年來貧賤憂患  
艱苦備嘗只緣記得幾句有用之書似覺胸中略有把  
握其於子弟教以文行經業而必使務其大者遠者故  
丙炎之守廉州定變安民大吏稱其操守官聲通省第  
一則服習於先生之教者深也性孝友聞贈公一言終  
身不敢忘贈公鬻田治母喪先生積教授所得金歸之

墓表

二

贈公夫婦既老於所居西偏構屋數椽雜蒔花藥春秋  
佳日延耆年賓客流連飲燕爲二親壽居喪哀毀盡禮  
每歲孟春集族人埽墓飲酒以盡敦睦之誼一秉贈公  
教祖墓植松數萬株鬱蔥彌望嘗欲建家祠其側寘祭  
田供祀事以其餘贍族人力不逮則語後人曰必成吾  
志伯兄定保卒遺一女無子以子丙炎後之仲兄案保  
績學不遇感心疾事之唯謹季弟亡遺子女五又遺腹  
生一子皆撫之成立昏嫁如己出今從子丙榮亦獲鄉  
舉好施與脩脯所入有餘則以分給族郇之貧者尤好



獎誘後進見人善稱之不容口與人交必以誠始終如一故交子鄭雲官幼英異而孤寒特甚爲訪名師教之卒成循吏於世家子必獎誘令勿墮家聲尤篤念故交一裘之贈其人已亡服之旣徹不忍棄也友人零縑寸楮皆珍惜襄治之學問經濟文字詩歌所與友者周保緒黃修存包沓伯管異之楊季子汪大竹潘小江黃竹雲許海秋晚又得魯通甫高伯平皆當時賢豪長者性嗜金石工篆刻精八分書求者踵相接購書萬餘卷皆手自校勘有所得必手錄之好急人之難爲人謀必忠

墓表

三

遇邑中公事潔已盡力戊申己酉水菽請於當事發鹽義倉穀振饑並廣勸金助振全活甚眾邑有崇節堂卹嫠婦以先生主辦卹者歲增采訪貞孝節烈婦數百名請旌舊節孝祠地湫隘爲移建於爽塏並建總旌坊於祠前修學宮建書院皆主其事試院在泰州狹閣傾頽鳩金修建士人便之道光壬寅夷船入江姦盜竊發勸諭鄉里互爲守望擒捕獲安至咸豐癸丑粵賊蔽江郡城旣破先生欲爲保衛之計而令長非人遂避居於鄉而儀徵城破先是淮南引鹽歲百三十餘萬自通泰諸



場運至儀徵改捆上赴江皖湘鄂回空船隻則載荆湖  
竹木紙炭諸物以市於儀揚倚以爲生者數十萬家道  
光辛卯當事議欲就場捆掣徵課不復道儀徵民情洵  
懼先生上言止之又二十年綱運改爲票販粵賊入江  
鹽艇鹽梟及失業者雲合響應儀徵遂以糜爛論者至  
今猶歎先生之深識遠慮非一邑一家之計也先生不  
遇於時而修於身宜於家善於俗以一身爲一邑之利  
賴者數十年居家接人孝弟和易開心見誠表裏洞然  
好賢樂善輕財喜施人率稱先生爲善信人又有稱先

墓表

四

生爲文學人者昆田則信先生爲篤道人也先生以貧  
士教授爲生而濟物誨人勤拳不倦流離轉徙語言真  
摯顏色沖愉絕無怙遽慘戚之狀是非有學有養以道  
自守者能之乎昆田集先生手翰萬餘言大旨以安貧  
樂道爲歸三復流連未嘗不悽然欲絕也先生箸作味  
眞閣詩鈔文鈔駢體文鈔晚翠軒詩鈔清暉堂詩話稿  
均燬於兵火存者僅味眞閣詩鈔已刻若干卷而板亦  
燬鄭雲官所爲傳有云水利書三篇論治內外河及引  
山水刷江淤之法遭兵燹失傳邑人以爲恨云配李夫



人有懿德今年八十餘歲猶健在男子二人丙炎翰林院編修廉州府知府今調署肇慶府丙瑩監生以咸豐戊午科挑取謄錄充國史館謄錄候選鹽大使女三長適某次適某次適某孫男四允顛允鴻允翰允釐孫女四丙炎以知府積資加四級得請二品封墓在儀徵北郊穆家壩之原先生所自定也於例得按式立碑昆田仰慕先生者十載而得親炙者十六日與丙炎至交且二十餘年矣以私淑之情託於子弟之誼齋祓而敬述之且系以銘銘曰

墓表

五

以子繼兄惟公惟誠教誨式穀丕振家聲一命之士心存利濟道洽慈祥本在孝弟豺狼城市兵火江濱造次顛沛無違者仁溫不失厲介不易通蒼松翠柏霽日光風明德啟後福祿山阜我爲此銘以垂永久



張石樵先生別傳

許宗衡曰嗚呼士生於世讀書期有濟不幸老牖下雖有文章世方以爲空言其孰從而惜之而乘時得志既有事權者又多無濟於世其藉口於艱難而隱以飾其無識無才則人轉歎其遭時不偶無以表見於天下古今人才之消長與世推移卒至湮沒於眾人之無知蓋比比焉悲夫禍患之機伏積於未見深識者言之不非笑則迂怪而不知士之洞觀於數十年之前者固燭照數計而世且漠然置之也淮南鹽筴甲海內方乾嘉盛

別傳

一

時淮綱皆直達東自秦州西極於江漢轉運半天下歲額引百三十萬鹽艘沿明制至儀真則改捆其歸多載荆湖竹木紙炭魚米百貨市於儀儀之民倚爲生活無慮數萬家不逞之徒藉以弭其虎噬狼貪而窮氓婦女以箕帚拾其餘利者又以補其凶荒水旱之不足道光辛卯制府陶文毅公議就各場捆掣儀民慮無生活人情洵懼邑父老皆太息曰如儀之民何當是時石樵張先生獨毅然曰周禮閒民轉移執事管子云衣食足然後民知禮義此議行豈獨儀之害哉成法不可妄更張



見近利而貽遠患必自此始乃與父老上書文毅復馳告鄉人官京朝者疏陳得失事乃止於是儀之民皆獲全賴其利者幾二十年人猶謂儀固有是利特先生能保之事苟不止未見其害也無何改票販淮綱卒散沿江民多失業及粵寇破武昌由楚東下鹽梟揭竿斬木失業者響應嘯呼勾連蔓延遍東南創鉅痛深其害果何由哉然後知先生維持審畫於二十年之前非空言也猶憶戊申己酉閒宗衡居揚州常與先生相過從先生曰讀書無所濟於世雖百年猶虛生嗟乎事權之不

別傳

二

屬徒以讀書所得不幸而言中使遇於時其所濟於世者更何如乃世之遇而無所濟者又復不少然則空言非可信空言而可信獨先生爲然而先生卒老牖下無由表見於天下是固不獨先生之不幸也先生名安保字石樵晚號潛翁性孝友精歌詩宗衡識先生時先生年未六十同治癸亥以子丙炎官編修來京師明年四月以疾卒年七十宗衡少壯轉徙江淮間多交老成人與先生迹尤親及先生來京師猶歎誦先生讀書無濟百年虛生之言先生喟然曰老矣且空言何足尙足下



勉之然宗衡年二十餘以公車踐齊魯歷燕趙中間奔走衣食往來數千里及乎寇亂起東南亦嘗心識天下之故性既窳惰又以枝官寂寥其無濟於世蓋亦先生所矜歎者乃於先生歿後用空言爲別傳以報先生其慙負先生爲何如然宗衡亦五十餘矣



味真閣集



繇來無沈藏坎際之遭者氣則昊詬而不振無旭厯銳  
銀之志者文亦質僿而不飭以故千澣萬灌迺成扈稽  
之鈞三獻一剖斯顯禹氏之寶如吾友張子石樵之詩  
殆其選與繫彼生而奇佻姿尤蹇亢弗逐鳩車之戲便  
參羝藩之爻懸如之口能對九事瞻焉者目竝下十行  
續景然松藜牀穿而猶坐歔歛炙竹鉛槧摘而常鈔丁  
孝公經解無雙任彥昇秀才第一當卓爾醮冠之歲已  
驚其影纓之倫向使扛龍文赴鵠版搦青鏤之管濡烏

玦之煤具曠世才擅三長而撰史展平生學奉五箴以  
矢言推而行之優有餘矣而迺崑玉失采隋珠虛投語  
非苗軋而抹朱服尙蘭單而曳白唾壺聲碎豈真炆氣  
能悲彈劔哥長亦任冬烘錯認雖秦堊力悍不懼於三  
登而聲子志雄已隳於九舉心拳拳兮不已其誰知之  
髮種種而如斯亦自憊矣然而嬰於世磨而磷者鄙氓  
所嗤爲欺魄也休於天鈞不礪者貞士所資以葆元也  
勁植因寒乃厲其節幽卉處逸克發其馨遂奪淵箸之  
精神爰託素油而陶寫碧澣長鯨未足擬其塊澹也朱



霞白鶴未足競其連躒也天吳紫鳳未足侈其訖費而  
琴麗也落葉哀蟬未足比其鬱伊而幼眇也旣已有觸  
而應斯乃無嫩不臻矧復馬融食華在鼓篋之日兒寬  
更草於息版之時謂徒繡鞞悅者多浮以不識甄盜者  
何陋蹈中和以製軌躡正始以流音得味之腴歸真於  
樸今之作者其惟斯乎僕本支離君偏契合屋祗近乎  
隔衛習何判於分鑑論年雖弟畜灌夫校藝必前推王  
勃道衡文就師古每代摘其疵延壽賦成中郎輒自焚  
其藁凡淪茗烹蔬以相糾允推袵送袞而不渝嗣以南

序

二

北舟車幾悵東西勞燕莫雲萼樹團聚何時晞露秋葭  
滌洄宛在踪跡間疎於十稔神明默喻於兩人今者墜  
兩權悰素心有幾臨風遐企白首如新我似文通筆毫  
退而乏采君眞子美詩律老而愈精斯固天之所畀者  
優實由人之自得者樂坡仙歸日早買陽羨之田蘭成  
中年已卜江陵之宅氈璋老鶴昔何舞而不前翺翺雙  
雛今自騫然直上吞花卧酒放此閒身弄月唵風開吾  
呿口是知放翁之編萬首久歛香名太冲之著十年豈  
煩綴敘已哉茲於副墨就雕委以引嗶作導濫竽競響



始歎清角之音希剛甌矜材迺服古彝之品貴卅年僕  
指相證無忘千古盟心同期不朽此日價高雒紙人享  
益智粳之遺他時編定亂書子旺論癡符之誚謬當前  
馬冀顧後車道光丙午冬梅孫弟吳鎧敘

序

三



往者江吟香親家以張君石樵駢體文寄觀沉博絕麗  
詫爲異才暨石樵來揚相見甚歡嗣復出味真閣初藁  
見示才力恣肆囊括眾長五言古近體尤極道鍊蒼老  
迺歎向之所許爲不虛也余見哲昆少蓮詠史百絕深  
婉透快以爲得未曾有見石樵詩益知其得力家學者  
深矣穀人吳錫麒

題辭

一

情寫真樸之理雖未能遽與古人抗行然一切浮蕞淺  
露摹擬之弊掃而空之一以真意行乎其間命名味真  
有自來矣若更深造不已進而益上卽馴至於古作者  
不難也石樵其益自刻勵精進勿以是自囿是則予之  
所以勗石樵者矣乙酉花朝後六日夢庵熊方受題於  
眞州講院之薌雨樓

余鄉多詩人後起之秀最愛潘小江張石樵二人小江  
詩以情韻勝纏綿悱惻無不顯之意宗法温李而擇言  
一歸於雅石樵詩以骨力勝沈雄奔放無不達之詞宗



法杜韓而用意一本於真兩生詩境各不同然至相契  
合石樵來郡城多主小江家中風雨寒宵一燈相對每  
各出新詩互相誇示近者凌芝泉參軍謝佩禾上舍徵  
刻二生詩因各出全稿相質余爲述其大畧如此劔潭  
汪端光

許乃椿識於真州旅寓

題辭

二

意必透頂辭必擇要不規規於仿樵之迹無往非唐賢  
遺軌樂府長歌尤逼真浣花老人香山不足擬也霄結  
交半東南之秀若各體皆工無懈可擊如此集者洵不  
多見直諒之益豈敢貢諛濁水元珠定有得之以爲寶  
者芝泉弟凌霄拜跋

往與郭蘋伽陳曼生吳蘭雪論近今詩人之弊厥有數  
端宗隨園者學爲輕佻淺薄宗歸愚者大都習套空腔  
而矯其弊者探源六朝號爲選體掇拾土苴陳腐可厭  
又或故爲拗澀以艱深文其淺陋皆入魔障無當於詩



作者於杜韓兩家用力最深奄有高岑王孟之勝五律  
雄深蒼秀妙極自然七言韻味中含丰神馳蕩真得唐  
賢三昧世有知言當不以爲河漢也老薑弟鏐拜識於  
井南老屋

余與眞州黃竹雲爲詩友二十年常愛其豪近交其同  
里張君石樵縱觀其所爲詩嘗綜而論之竹雲詩以力  
勝拓百鈞弓羈懸崖馬如猊抉石如象渡河石樵詩以  
氣勝長風萬里狂瀾百頃神山隱現魚龍出沒二子之  
詩境若此余旣僑家眞州竹雲授徒郡城晨夕過從惟

題辭

三

石樵一人酒酣耳熱聲出金石胸間五嶽腕底千言古  
今牢愁身世感慨傲睨一世悲喜交集賈策杜言嗛嗛  
齒吻然後知石樵不僅以詩見何眞州多豪士也余寡  
交游喜與豪士交樂其有眞性情而後有眞詩出焉旣  
選其詩之眞者以著其豪而復爲序之如此以質諸二  
子念樓弟劉寶楠拜題



題辭

李周南

靜齋

我友孫曉屏示我張君文屈宋豔高摘班馬香濃薰健  
筆扛龍鼎逸氣凌鵬雲迄今已數載矯鶴未出羣科名  
有遲速文采益繽紛今秋來郡城燕集情彌殷我喜讀  
君詩雋永含蘭芬清言霏玉屑不肯云人云佳篇如林  
立展卷揚芳芸槐卿返梓里寄琴官河濱君家二子  
才足張吾軍君更獨冠時高名遠邇聞華實待眞賞卓  
犖超塵氛勗哉六月息鴻文策奇勳

樂鈞

蓮裳

題辭

一

詩家議論競紛陳得解何如一字眞祇覺淵明琴有趣  
漫攜謝眺句驚人太羹不和方成味采勝爲花豈算春  
流出自然從血性先生信是葛天民

汪全泰

竹海

功利聲華當世重塊然獨處久忘機能耽佳句於君見  
解脫塵緣似我稀玉筍煙霞心屢到金門冠蓋夢全非  
相期翠竹江村外秋月年年上釣磯

阮

亭

梅未

新詩一卷寄吟情積古齋中訂鷺盟書法直兼秦漢學



文章不讓杜韓名羽毛秋塞豐霜鶡鱗甲涼風動石鯨  
何日白沙親放棹來聽梅屋讀書聲

李義設 介石

蓋代清才孰可攀真看轍謝更凌顏身居杜曲東西漢  
名冠淮南大小山桂樹青青巖壑秀秋風冉冉鬢毛斑  
白沙翠竹橫江近擬訪詩盧一水閒

魁奇蘊藉張平子豪氣消融秀氣含十載縑緗貫今古

一時縞紵遍東南才論倚馬君尤捷技比雕蟲我尙慚

題辭

二

始覺此間真味在幾回雜誦更醅醅

王嘉福 二波

奇才磊落困青襟閉戶工愁習苦吟一代文章見真味  
廿年燈火抱秋心江山大有傷離感湖海能無變徵音  
貽我全編揩眼讀夜牕如聽雍門琴

李佳柏 新甫

觀河必尋源觀山必登岱風雅有本原正始義靡晦牛  
涖擬象溟所見殊茫昧楚騷暨漢風悉屏吟哇穢我讀  
味真集醅醅根肺腑英威鏗正聲瓦缶息羣喙工夫卅



年深攻書豁無礙咀嚼分酸鹹揆剔芟瑣碎真成大雅  
材足防末流潰寸衷抱區區立言在吾輩

詞華與經術所向非歧趨儒林及藝苑兩家皆通衢底  
蘊有不厚進退滋堪虞游好本圖籍吐詞闢榛蕪粗使  
糟粕棄精乃葩華敷苟非三餘功曷由煙雲驅紛紛談  
藝場雅俗判徑途所以有心人嘲嗤在屠沽

小子學夫詩大哉孔聖教游夏判文學爾雅綜考校無  
邪三百篇百氏歸騰越性情日以漓遺神但取貌後世  
競聲名塗抹等耳剽譬乏尹邢顏徒爲姿首耀今子獲

題辭

三

鈐鍵探源剖眾妙力求至味真賢哲未敢誚我愧歷落  
人黽勉尋奧竅大懼雜秕糠簸揚勤後效俗諺厭弗爲  
古歡抗惟肖握子詩一編瑤瑟寄同調冷案抱冰雪清  
哦心所樂晴窗當梅花坐起更長嘯

潘宗菽

小江

綠莎廳畔題詩處煙月消沈感舊游今日與君重握手  
十年如夢一回頭文章聲價憐黃鵠湖海行藏愧白鷗  
好爲名山留絕業莫教心力付東流



石樵先生遺詩

味真閣集卷上

南軒

朝開南軒坐晝陰森眾木時有清風來微微動疏竹俯仰得清趣隨意取書讀終日寂無言徜徉心自足

山居

結廬塵市外日日閉柴扉向夕不知暮亂峯雲自歸靜聽山鳥語時有落花飛隨意傾樽酒高吟與世違

秋日懷少蓮兄

官保

楚江

味真閣集卷上

西風催雁陣吹動弟兄心何日鄉書到長江秋水深雨涼黃葉落燈暗草蟲吟已覺愁難遣何堪旅夢侵

虹橋泛舟遇雨

幽居發清興溯流泛輕橈勝景足游覽良朋相招邀曲曲轉碧谿隱隱見虹橋遠水盪空青微波挹輕颿長隄變萸柳夾岸散天桃黃鸝鳴灌木白鷗戲蘅皋沈沈雲影重瀟瀟雨珠跳近矚埽幽蘊平視祛喧囂薄暮理歸櫂小港添新潮

春夜懷人詩四首



繆善夫明經師

承鈞

已買吳陵棹如何滯旅程春光今二月此夜又三更露  
重團花影風高遞漏聲永懷不成寐起傷曲欄行

孫曉屏孝廉

昱

一自江干別迢迢二月過春風燕市冷明月故園多望  
遠空搔首思君欲放歌今宵應有夢飛渡古黃河

李維之上舍

祖祐

長安羞乞食歸臥郡南隅懷古千秋淚披心一卷書

維

著有  
心書  
七篇

江山開隻眼風雨逼窮廬那復憂貧困倏然未

味眞閣集卷上

二

改初

父積堂參軍

三慶

三年羈客館片語訂知音正好聯吟席如何隔遠岑蠻  
煙征客路

積堂時  
客黔中

春雨故人心頗欲傳雙鯉茫茫江水

深

廣陵行

綠楊城郭平沙輒流鶯亂飛芳草短大江南北渡春來  
吹入廣陵絲與管廣陵自昔稱名都金粉世界天下無  
萬株花柳成香海多少樓臺入畫圖樓臺花柳紛相逐



宴罷紅雲歡未足。花底微聞太息聲。山河不改胭脂局。  
胭脂南部幾時休。照見君王鏡裏頭。烽火直教成血淚。  
神仙猶說在高樓。絲延三十六宮接十萬紅妝。化蝴蝶。  
至今湖水不曾乾。歲歲秋深飄落葉。竭來懷古登平岡。  
山風颯颯吹衣裳。零碎柳絲裁玉局。淋漓大筆溯歐陽。  
歐蘇洗盡鉛華迹。一代風騷兩吟席。船頭藥玉勝鶯花。  
博帶圍腰燦金碧。鶯花金碧成蓬蒿。廣陵猶倚曲江皋。  
悲哉一賦蕪城後。何如七發觀波濤。廢興往事從頭數。  
荒涼誰弔閭妃鼓。佛狸祠上又斜暉。但見神鴉自飛舞。

味真閣集卷上

三

喜家梅嶼秀才

鼎瑞

歸自黔中

自從相別後。萬里隔關山。黃葉西風夜。天涯孤客還。劇  
談新別緒。未改舊離顏。痛飲消今夕。休辭酒力孱。

桃花庵訪程半人

元聰  
不值

出門不知處。繞徑生微塵。爲訪幽人迹。行來曲澗濱。桃  
花低抱屋。谿鳥自呼人。薄暮空相向。汀洲采白蘋。

雜詩一首示李新甫秀才

佳相

置酒高堂上。烹羊宰肥牛。笙歌沸天起。賓主紛唱籌。我  
心耿耿憂。對酒不能酬。人生非金石。歲月去如流。壯士



多熱腸。常恨夜茫茫。夜長不肯曙。分我日晝光。祇此俯仰閒。華髮倏已蒼。死生雖有命。亦視人自全。賢愚生斯世。同此數十年。或以忠孝。以大節炳簡編。或以安樂死。民無可稱焉。死而無可稱。雖生亦徒然。念此傷我心。清淚忽涓涓。撫躬自循省。何者足畱傳。努力當少壯。毋令終泯湮。

答詩

李佳柏

新甫

騏驥無駑足。鳳凰無卑棲。託身在遠天。塵俗何由羈。張子我良友。矯矯出世姿。文雅高儕輩。性情絕畛畦。

味真閣集卷上

四

相如本貧賤。立志非等夷。軾軻共相鄰。盛名閭里推。爾我皆年少。令德貴自持。以大賢爲師。毋顧俗人疑。昨讀君詩篇。知君學益進。非獨文采佳。筆氣清且雋。各各有片段。方圓能結陣。波瀾屬老成。遣詞絕餽飮。所居近咫尺。累月斷芳訊。子歌我未和。我歌子當應。風雅道在斯。兩心猶可印。

荏苒白日去。契闊情可哀。離羣歎索居。懷抱誰爲開。屑屑身事擾。憂來但銜杯。吾子策高足。偶儻非常才。寶劍藏匣中。意氣顛若雷。我亦有素琴。日彈一百回。



冷然在幽谷相待之子來

寒郊

入望寒郊闊荒涼悵物情野塘荒草臥古木暮鴉鳴風  
勁欺人色山空咽馬聲不須村牧指澹月照歸程

訪程小顧明經

愷

棲雲堂

爲訪素心友來過十笏園竹光分罨畫林意靜黃昏繞  
屋春禽噪當階古木尊坐深心境愜相對兩忘言

小游仙詩

詆蕩天門十扇開。瞳矓曉日照樓臺。不知何處支離叟。

味真閣集卷上

五

也想偷窺玉殿來。

紅牆銀漢夜深沈。累盡人閒望遠心。三十六天何所有。

森森一半白榆陰。

慧業通靈李鄴侯。薰籠獨立暗含愁。可憐空抱神仙骨。

謫落人閒二十秋。

倚欄仙伴笑相呼。多少衣裳曳五銖。不解人閒有魚目。

水晶盤裏弄明珠。

紅鑪玉炭煖無煙。忘卻燒丹得道年。手把長鑱階下刷。

背人獨自種金錢。



仙掌銅盤百尺浮。夜深承得露華稠。茂陵已老秋風客。  
莫怪金人淚暗流。

星辰歷亂覺宵長。玉鼎煙飄細細香。仙籍翻完三十冊。  
何曾名姓見嵇康。

祕府丹函百二廚。紫雲深護碧窗疏。玉童偷寫盤龍字。  
流落人間一紙書。

穿花渡水問劉安。忘卻宵來露氣寒。仙犬似嗔人語雜。  
遙遙低吠白雲端。

雲鬢仙佩曳丁當。侍從皆騎紫鳳凰。手撥雲頭看下界。

味真閣集卷上

六

風波惟見海茫茫。

雲母窗扉翡翠屏。玉皇安睡不曾醒。當階侍女顏如玉。  
細訴春愁總未聽。

聞說青冥鶴遠翔。玉妃消息更茫茫。偶然欲覓蓬山路。  
含笑殷勤問阮郎。

秋夜懷潘小江秀才

宗菽

蓬萊縹緲十三峯。斜日煙波隔幾重。一夜西風吹太急。  
空江憔悴玉芙蓉。

得失雞蟲付渺茫。獨憐歲月去堂堂。昨宵親向瑤池過。



窺見麻姑鬢有霜

答詩

潘宗菀 小江

蓬山青鳥寄秋聲。中有江雲渭樹情。肝膽豈能期薄俗。文章多是誤才名。珠沈滄海愁難覓。玉種藍田苦未成。莫向槐花問消息。年年風信不分明。小時玉佩紫羅囊。錦瑟詩篇早擅長。儘有老成知李賀。會無輕薄到王昌。每因擊筑懷燕市。也爲看花夢洛陽。今日風懷消歇盡。藥鑪經卷臥江鄉。

十年一夢太恩恩。纔是愁中又病中。天地有情容我

味真閣集卷上

七

在。風塵多難與君同。襟懷枉振雲間鶴。蹤迹深慙爨下桐。瘦骨支離華髮短。那能禁得幾西風。

誰教蘭芷混茅菅。書劍飄零直等閒。精衛枉能填劫海。巨靈空擬負名山。東南孔雀飛無定。西北浮雲去不還。便欲乘風向瑤島。任他塵霧滿人閒。

真州雜詩

胥浦

伍相遺蹤久寂寥。荒祠猶枕暮江潮。英雄失路誰人問。惆悵當年乞食簫。



東園

東園作記有歐陽舊地經過蔓草荒斷瓦零甎無覓處  
祇畱最鳳臥空塘

文丞相祠

宋家丞相賸荒祠想見倉皇覓渡時一曲清谿數椽屋  
誰從斷壁讀殘碑

城南

水自東流山自青綠楊城郭雨冥冥人家猶向清暉住  
不見當年王阮亭

味真閣集卷上

秋日過漪圃贈汪文歌石

榮襄

獨客尋秋興轉賒紆迴小徑入天斜一泓潭水深如許

知近汪倫處士家

漪圃外多  
藕花塘

楊柳過牆花繞庭面城小隱戶常扃白沙耆舊凋零甚

畱得先生作典型

時按輯邑誌邑中  
惟先生足資訪問

前年記向白門游月影江光總帶秋乞取水天空闊處

中閒畫我一扁舟

題畫詩

迴環曲水抱幽亭無數煙嵐列畫屏昨夜蕭蕭秋雨急



隔窗洗出一峯青

料峭西風欲釀霜幾株鴉舅已先黃空山何處聞樵唱  
惟有古松撐夕陽

江頭雨過夕陽開三五人家近水隈兩岸荻蘆花似雪  
斷橋搖出小舟來

萬嶺漫漫密雪封雪深壓折幾株松老僧滑澀衝寒返  
定向茅庵自打鐘

題許丈南園夢香圖

十載江南客迢迢別故山詩名動淮海歸思逼鄉關忽

味真閣集卷上

九

覺梅花放如看孤鶴還斷橋流水外心共白雲閒

除草篇

長夏炎暑蒸獨居苦無事呼童闢草萊自謂易如薙豈  
知根蒂深刪除大不易憶昔初生時茸茸鬪晴翠每當  
新雨過顏色何鮮媚託根曾幾時滋蔓遂得志直侵蘭  
蕙叢潛招虺蜴至豈惟易延緣乃敢逞毒害區區纖小  
物能爲目前累先事而預防此語可爲戒

養竹篇

我家有廢園荒蕪久不治今年竹林中新筍何離離念



茲琅玕質自具凌霄姿一日數往視愛護如嬰兒竭來  
數月閱新綠各猗猗中有二三本高出十丈奇由來頭  
角異籬下難久羈設當初生日一一鏟削之雖有千雲  
心不如靡草滋乃知粹美質愛養當得宜生材縱天意  
豈不貴人爲

夏日卽事

高樹蟬吟欲夕陽小窗人靜晚風涼光陰不分同流水  
又見階前放海棠

藤蘿

一本藤蘿自發榮牽絲引蔓太多情不知老樹枯將死  
猶復纏緜想寄生

秋海棠

嫋嫋西風入夜涼海棠花放短籬旁一枝背立疑含怨  
幾日相思欲斷腸澹月空濛頻照影破牆搖落不禁霜  
當年何處離人淚灑向秋階恨最長

歲暮得鄭子玉

景鏞

書述小江近况慨賦

邗溝雙鯉自脩脩消息纔通一水流磊落生平原善恨  
淒涼歲暮各增愁可容爾我常青鬢况是庭幃總白頭



返哺欲申烏鳥志天寒何處稻梁謀

隔院誰將鐵篴吹惱人情緒亂如絲曾無白鶴馱腰裏  
又近黃羊祀髻司游子飄零頻入夢美人憔悴最相思  
黃封酒煖青氈冷消得閒愁卻幾時

歲暮寄懷程葦白妹聳

申都中

出門西笑向長安慙愧馮驩鋏屢彈一樣依人如我瘞  
暫時作客比君難明知花柳春將轉無奈冰霜氣正寒  
棖觸者番親戚話鐙邊細字幾回看

送家寄琴

積功

赴公車

味真閣集卷上

十一

朔風天上來游子將遠行道里何悠長童僕促晨征晨  
征未忍發驚馬長哀鳴裊裊歧路閒相顧各傷神何況  
同心契恩誼骨肉親恨無晨風翼送子之前程歲華不  
可恃努力策榮名

里中二三子頭角何昂藏秋風各鍛羽念子獨遠翔勿  
矜羽毛豐飛止各有常京雒接青雲鸞鳳爭趨蹌虛懷  
勉令德大器欲難量

男兒在鄉里局促轅下駒燕趙悲歌地豪士雜狗屠以  
子今遠行壯懷激斯須長途告離別各在天一隅會而



知何時寸心爲踟躕珍重歲寒身私愛徒區區

場河謠

揚州四會五達莊城中大半居鹽商鹽商行鹽達江廣  
竈丁燒鹽自鹽場在場堆鹽蘆條覆出場運鹽屯船裝  
屯船俱向場河出河中之水長泱泱前年仲夏愆雨澤  
天旱日烈日盡赤煮海成鹽鹽成山山俱向鹽場積  
場有鹽河無水鹽船陷入場河裏河中水乾船不起河  
水乾民心傷不惟年荒兼鹽荒年荒猶可鹽荒殺我終  
歲倚鹽爲生活無鹽日日惟閒坐一日無鹽一日無錢  
無錢一日亦何害小民窘迫斷炊煙可憐民命倚鹽活  
那堪河水無涓涓八月九月秋潮生場河水長船通行  
大船小船運鹽出萬民鼓舞皆歡聲今年鹽多各饒樂  
捆鹽錢來恣揮霍肥羊大酒極豪奢恃此源頭活水活  
源頭水活我所思源頭水涸亦有之勸君莫作長流視  
記取場河水竭時

秋江夜泊

蘆荻響蕭蕭風號夜漲潮月明當此夕江上一停橈野  
寺鳴鐘近漁燈隔水遙小舟不成寐團坐話深宵



寄懷小江

不見潘京久相思  
淮水深才高抱仙骨  
年少得秋心  
之子在空谷  
泠然彈素琴  
夜深羣籟息  
如聽水龍吟

詠史詩

司馬長卿

臨邛車騎故奢驕  
新寡文君一曲挑  
惆悵茂陵多病日  
白頭相對太無聊

蘇子卿

持節邊疆十載餘  
上林獲雁事原虛  
他年卻有元信使

味眞閣集卷上

三

忠勇營閔寄血書

魏武帝

英雄割據本無端  
文采今猶說建安  
若使終循臣子分  
亂時原覺此才難

曹子建

寸心耿耿寄君王  
一賦河神感慨長  
豈有宓妃畱枕事  
枉教稗史說荒唐

王文考

少年能賦魯靈光  
中歲傷心溺漢陽  
想是冰夷徵著作



不教久壓蔡中郎

王仲宣

倒屣爭迎禮數優  
異才定合壓時流  
何因卻向荊州去  
百感茫茫獨倚樓

潘安仁

種得桃花滿縣春  
版輿躬奉解娛親  
不知白首同歸日  
可悔低頭習拜塵

劉伯倫

身世茫茫值亂時  
韜精沈飲最酣嬉  
形骸死後誰相識

味真閣集卷上

十四

何必家童荷鍤隨

羊叔子

生平最愛峴山游  
讀到遺碑淚未收  
如此聲名原不朽  
何須沈石漢江流

張季鷹

會見銅駝荆棘叢  
偶然歸思動秋風  
可憐聽鶴華亭者  
猶自恩恩入洛中

殷仲文

東陽太守恨漫漫  
儒雅風流困一官  
莫指庭槐長太息



好將面目鏡中看

陶淵明

吟詩種柳見高風鄉里兒來肯折躬未必閒情能累德  
如何不入選樓中

謝康樂

鑿山開徑翦蒿萊屐齒分明印蘚落豈有生天成佛者  
令人疑賊入山來

顏延年

文章美絕志權奇嗜酒疏狂亦有之絕倒牛車逢齒簿

味真閣集卷上

五

避兒屏息道旁時

鮑明遠

樂府詩歌徑獨開刪除蕪穢翦蒿萊祇應飯顛山頭客  
巨眼能知俊逸才

江文通

孤賤關情本恨人綠波碧草太傷春如君自有生花筆  
此事何關郭景純

一室

一室大如斗俯仰何所營日惟觀書籍插架史與經有



時興會到一篇輒復成每日十二時絕無雜念縈一念  
偶然動萬念交紛爭正如一泓水淨極波不興微風蕩  
漾之便有縠紋生靈氣日以減蕪穢日以增奔濤激泥  
沙何時得澄清守之如止水本象庶復明  
金山早如晚過歌石丈漪圃  
山林城市屋三閒盃茗鑪煙盡日閒滿院木樨香不散  
垂簾獨坐畫秋山

新秋夜坐

芭蕉葉上雨聲稀漸有涼颼透葛衣正是畫屏銀燭燼  
棗花簾外一螢飛

味眞閣集卷上

六

渡江作

天風浩浩排空來帆檣歷亂衝波開長江東注二千里  
中流激浪如奔雷殘月荒荒墮煙樹云是斬王征戰處  
娘子軍中落鼓聲馮夷避舍蛟龍懼至今蘆荻響蕭蕭  
流盡長江恨不銷淒涼懷古無窮感付與金山早晚潮

疏狂

瀟灑隨天性疏狂稱散才未除豪士氣或爲古人哀花  
月情猶戀功名志漸灰行年近三十自分老塵埃



題梅坪倚松圖

十年詩境太蒼涼，畱得閒身寄草堂。  
風露滿天新月澹，松花如雨落輕裳。

重晤王小獻

草草光陰箭脫弦，江鄉小別近三年。  
那堪高閣重相見，又是人閒造榜天。

箏琶絃索太分明，酒綠鐙紅欲二更。  
中有王郎聽不得，耳邊都是斷腸聲。

王小獻有騎省之戚

過小江槐西草堂

味真閣集卷上

七

深巷少行迹，古槐餘夕陽。  
窗虛延暝色，庭敞怯新涼。  
世上誰知己，生涯有草堂。  
秋風連日起，落葉太蒼茫。

夜夢趙穀庵

詠家松庵式壽

陽春三月暮，柳花辭故枝。  
一別不復聚，飄蕩從風吹。  
舊游二三子，蹤迹長別離。  
神專結幽會，忽忽入夢思。  
歡言似疇昔，復覺久乖違。  
虛室鐙穗燼，寒月暗入幃。  
輾轉不成寐，雁聲悽以悲。

詠懷

陽和轉寒律，萬物皆蕃滋。  
天天紅紫花，各各爭妍姿。  
油



油甘雨潤蕩蕩和風吹嗟哉松與柏青蒼誰復知沈淪  
澗谷閒鬱鬱挺喬枝冷落慎勿怨歲寒以爲期  
驅車出郭外榆柳夾路生荒草自蕭蕭邱壠日以平賢  
愚同一盡何爲苦營營千秋萬歲後誰復知我情惟有  
西山子至今畱其名  
山雞矜羽毛當春何芳鮮文采忽以盡零落眞可憐黃  
鵠志萬里一舉冲青天駑馬戀棧豆終日遭笞鞭人生  
貴適意鬱鬱胡爲焉

足寒知心傷木落知風悲百憂忽交集旁人孰測之老

味眞閣集卷上

六

驥懷遠道烈士多哀思大江三千里激箭從東馳華年  
忽如昨兩鬢霜雪欺少壯不可恃老大誠堪嗤

讀書有觸各繫一詩

趙宣見餓夫後車與之食不意翳桑人遂得倒戈力英  
雄處困窮憔悴無顏色一飯恩不忘古人難再得

王敦旣謀逆諸王應授首司空率羣從詣闕自謝咎引  
領呼伯仁累卿以百口伯仁力救之此意亦甚厚奈何  
旣醉出卻言印繫肘遂使幽冥中竟負此良友君子處  
亂世言語不可苟一言而殺身古人有時有



潘岳逞才華父爲瑯琊吏私心惡孫秀撻辱常不已及  
秀爲中書誣岳謀多詭遂與后季倫牽引就肆市白首  
同所歸詩識竟如此君子處小人要以逸道使蜂蠆猶  
有毒威權胡可恃  
虞翻放南方鬱鬱不自適心竊恨疏節潦倒遭窮厄生  
無可與語爲爾終寂寂但願旣死後青蠅作弔客一人  
果知己雖死亦不惜嗟哉人海中知己不可得懷古一  
喟歎寸心爲悽惻

重陽後二日寂居有懷寄李維之王小獻吳寄山

味真閣集卷上

九

仕榛

沈雲嵐

恩培

程小顧諸子

耿耿元精作作苾一雙鬼眼太荒唐十年老女眉空畫  
百戰將軍鬢有霜如此功名真草草那堪歲月去堂堂  
壯心伏櫪終難已獨對秋風舞一場  
語緣愁苦竟難工百種情懷總付空顧我磨瓢思作鏡  
看人吐氣各成虹兔園半冊鈔能熟馬骨千金價未逢  
最是神山將到處無端風起海當中

亂絲愁緒積蒼茫重後還畱塵垢囊貧女當梁宜未嫁  
落英滿地絕無香只教日炫新花樣常使魂驚古戰場



賀老琵琶聽不得夜來聲調太淒涼

諸君仍在孫山外賤子居然鄧禹年傳說夫人還小婢  
誰云才鬼勝頑仙三年風月離弦箭一瞬聲名上水船

磊落奇才偏抑塞幾時同證大羅天

駒隙光陰歲欲殘孤懷寂寞迴無歡前程魚尾書難寄

廿載牛衣淚不乾

小獻近悼亡

絲竹中年聲太慘

寄山伯兄病歿揚州

余亦有從弟之痛

江湖小別夢初闌荃茅一樣悲搖落肘後離

騷反覆看

秋蟲

味真閣集卷上

三

秋意宵來覺秋聲到草蟲清幽時入耳悽切暗吟風斷  
壁荒落黑孤鐙老屋紅最憐深夜讀唧唧惱歐公

哭松庵

江南羣山色青紫高峯插天不盈咫昨夢與君乘白雲

直上危峯快瞻視半空一墮作飛仙夢中大蹕知君死

放聲一痛摧心肝憤淚齊傾不能止繫余幼小尙豪放

與君一見各心喜靈山香火或前緣辨味淄澠水投水

肝膽相期肺腑同歲月迢迢十五紀君呼叔向作難兄

我視灌夫如悌弟中閔我頗被譏讒君更一身叢詆毀



君才奇特自天賦眼底碌碌無餘子文詞噴薄驅風濤  
浩如江海無涯涘謂宜跋浪奮鯨鼈或亦籥雲馳騷駢  
豈料竟成獯獷鶴頻年屢見挪揄鬼憶昔君年十五時  
氣如奔馬不受羈涼秋射策大江左六朝勝迹同探奇  
雞籠山頭恣長歎兩腋朗朗天風吹清淮月夜放鐙舫  
流連光景成歌詩少年樂事一彈指堂堂歲月如駒馳  
一蹶再蹶不復振英鋒銷盡形神疲出不逢時處卽死  
古來奇士原如斯那能轅下長局促隨俗俯仰遭鞭笞  
吁嗟同氣二三子德行文藝我所師舒雅學富竟命薄

鐵雲

李白才高亦數奇

維之

風瀟雨晦憶疇昔神情恍

惚生狂癡君年最少復如此我輩身事俱可知與君永

訣未十日屢夜夢君相遊嬉歡然執手共談笑頗似昔

日英異姿聞君彌畱有遺屬生死了了何所疑難忘結

習青衫冷未報春暉寸草悲

松庵自輓句云結習幾曾除猶夢束裝來赴試春暉

全未報不堪寸草竟先摧

境豐身嗇心獨苦磊磊落抑塞成鬱伊阮籍

窮途輒痛哭賈誼獻策欲涕洟古來自傷心人世俗

夢夢徒譏訾我心如結增淒其我淚如雨墮漣漣殘鐙

耿耿更三轉夜雨瀟瀟遂一枝濡毫揮涕題此辭東方



欲白鳴晨雞

過松庵敞廬見白秋海棠

白沙翠竹江村種移到松庵處士家今日敞廬猶似昔  
不堪重看斷腸花

十一月十五日同汪到渠

汝成

卞秋舫

文楫

李書

城

光燾

程小顧飲江霜橋

紹愷

家醉後踏月城

東夜半始散

萬里青天月三更濁酒杯最難寒夜裏相約故人來況  
值當頭日能無笑口開蟬媽清話久漏點莫頻催

味真閣集卷上

三

重哭松庵

七尺昂藏概淒涼竟棄捐幾曾舒壯志况復甫中年返  
哺慚烏鳥嘯冤託杜鵑不堪垂死日猶夢墮重淵

少年眞磊落鬱鬱奈愁何所患非才少其人本恨多病  
魔偏束縛英氣竟消磨天意誰能問令予壁屢呵

共結雲霞氣迢迢十載更秋風江左地春月海陵城執  
手論文藝挑鐙話酒盟舊遊都在目回首不勝情

幾輩貧交在艱難困故林生存都失意死別更傷心愁

聽山陽遂空彈子敬琴高山流水意何處覓知音



寒夜東城踏月

北風吹天青寒月墮老屋開窗動幽興招邀舉高躅城  
東超曠地清華足水木高柳何荒寒兩岸僵如束月從  
水底行碧雲遞相逐始知莊惠契相賞在濠濮高門何  
沈沈夜深人已宿想見寒衾中蒙頭自踈跼失此清妙  
景領取任我獨深巷犬荷荷茅檐雞穀穀歸來寫此詩  
青鐙如豆綠

只合雨夜小江招飲卽席賦贈兼寄程石芸刺史

熊芷

衫秀才

志培

味真閣集卷上

三

北風送寒作淒緊潘郎置酒招我飲男兒鬱鬱不得意  
只合蓬茅自戢影潘郎二十人中豪生平意氣重結交  
手中自握生花筆腰下常懸切玉刀與我相知將十載  
慷慨風流煥文采撐胸邱壑嶽嶽存拄腹星辰歷歷在  
涼秋射策大江東鴻文奇恣聲摩空共疑賈誼才無敵  
豈謂昌黎命竟窮西風瑣淚盈把同是低頭在草野  
混迹眞如爨下桐悲鳴敢怨鹽車馬今夕何夕華鐙張  
主客殷勤各進觴奔泉渴驥詩情渴吸海狂鯨酒興狂  
嗟我頻年常寂寂落花心事浮萍迹終軍會見棄繻行



子羽無端被頭責白沙翠竹舊江村貧交幾輩同論文  
長安走馬皆得意惟餘賤子棲衡門昨宵星芒大如斗  
程君飲我葡萄酒伏櫪誰無斫地悲懸河各逞談天口  
劇憐今夜雨瀟瀟程君迢遞不可招且歌席上春風柳  
誰唱橋頭明月簫酒酣高吟振老屋酒氣拂拂十指出

歲暮有懷周保緒

濟

管異之

同劉楚楨

寶楠

劉孟

瞻

文洪范雨邨

凌夔

楊季子

亮

黃修存

洵

吳熙

載

延颺

王句生

翼鳳

不遇離別苦不知聚首歡言念諸君子往昔常盤桓所

味真閣集卷上

五

棲各異域良會何艱難當茲歲云暮風雪已戒寒卑棲  
戀同伴寂處心懷酸鴻鵠志萬里各具凌霄翰磬磬覓  
梁稻但求一枝安營茅時所向誰復珍椒蘭干將埋塵  
匣只作鉛刀看望古一裘裊長夜何漫漫

古來盛名下坎壈纏其身我初讀此詩以爲未盡眞及  
今數十載乃信語有因天地重混沌雕鐫傷元神識字  
憂患始愚拙輸村民杜陵稱詩史俎豆垂千春可憐後  
世譽莫救生前貧

題厲茶心

同勳

七世讀書堂圖



魏晉重望族江左多清門由來詩禮家井里交推尊吾  
鄉數著姓厲氏雲初繁矯矯烈士公讀書有故園三闕  
老瓦屋近傷東城垣舊德何所貽一經傳子孫迢迢十  
葉餘書禮勤討論世澤何縣長水木有根源不見堂前  
槐夭矯如龍蹲屈指二百年枝葉猶萼蕃當時富貴家  
豈不多輪軒高明鬼瞰室片瓦今何存

余家遷眞州迢遙四百紀西郭有墓田碑碣實詳記在  
昔城南村青山入屋裏卽今百餘年屋已經再徙清暉  
舊草堂遺構久傾圮竭來井南居八十年於此近始闢  
隙地花木稍葺理壓架三千卷非無經與史終年苦歷  
碌廢學眞可恥披圖憶前型高山空仰止

早春偕江霜橋程小顧過舊江準提庵看返魂梅  
歷盡冰霜苦芬芳直到今樹應逃劫數花亦悟禪心但  
覺枝柯古誰知歲月深欲窮生滅理彌勒是知音

同王小獻過童石林

錫齡

味菘舫

尋芳隨意歇信步到君家新落今朝雨猶烹去歲茶

是日

兩小亭方丈闊流水半灣斜暝色微微覺高槐噪暮鴉

題石林畫



綠雲如蓋壓谿堂，巖嶂重巖勢莽蒼。手把一編窗下坐，不知花外欲斜陽。

過厲氏園看牡丹贈春園茶心實夫諸昆季

四圍荒圃草離離，中有三閒老屋支。如此名花真富貴，

分明看到子孫時。

園爲烈士先生讀書處於今十一世矣

雨夜

風雨瀟瀟逼夜闌，擁衾欲睡幾曾安。繩牀竹榻無多地，容得春愁海樣寬。

清谿

味眞閣集卷上

美

水漲清谿路一條，隨流宛轉撥蘭橈。泥人最是垂楊影，遮斷紅欄小畫橋。

風雨雨夜偕黃竹雲

盛修

晏同甫

端書

飲秦玉生

獻舊

城讀書處

漏下虛堂欲二更，小窗團坐若爲情。酒花淺碧燈花綠，忘卻瀟瀟夜雨聲。

偕竹雲揚州南樓坐雨

一雨連三日，江城五月秋。偶偕黃叔度，著屐上南樓。遠

樹連雲暗，長風逐水流。清淮如在目，閒煞幾沙鷗。



大暑中家小坪

際瑞

以甘瓜見餉率爾賦謝

火雲連天紅炎熇蒸滿室逃暑無善地解渴鮮長策宗  
人知我苦瘵我煩悶厄贈我綠沈瓜獲之如拱壁浸以  
井泉清切以金刀赤濺齒寒似冰適口甜如蜜不數甘  
蔗漿更勝雪藕汁我聞此瓜種始產自西域燉煌味最  
佳涼州亦難及有漢強盛時得種入中國邇來數千年  
到處皆種植當春初引蔓繇延徧廣陌入夏火德盛離  
離多結實每當炎暑時瓜圃快採摘壓擔入市來碩大  
兼蒼碧或紅如丹砂或黃如蒸粟或用磁盤盛或以織  
絺纂褚雅曾貽人子良亦饋客今君官枉贈風雅迨其  
匹鎮心異鄭灼課經慚步騫惟有供老饕大嚼聲嘍咋  
芳津長華池清氣生兩腋天亦起微風頓使煩蒸釋

夏日大風雷雨做昌谷體

獸入中國

黑雲壓空雲色死電光照人雜青紫雄雷躍出擊太虛  
三十六天齊潑水仙真騎龍傾酒瓢下界迭奏宮商徵  
雨師亂彈銅琵琶棖棖聒碎乖龍耳南風吹山山倒流  
松柏仆地醉不起峯危谷很相吐吞天跳地踔無依倚  
三光慘澹不復暎萬瓦亂飛如敗紙倏然風定雨齊歇



斜陽漏出烏雲底陰晴變態在頃刻咄嗟造化真奇詭

月夜同家玉農

符瑞

念園

鴻瑞

槐卿

高鑄

泛舟天

池聽蔣郎清歌

蓮花古堰煙波宅清流淨洗銀蟾魄纖雲櫛櫛停不行  
萬籟無聲江水碧蔣郎年少雙脩蛾愁容倚醉揚嬌歌  
皎眸一盼愁無那玉齒流芬喚奈何露華如水澆金井  
星辰不動銀潢靜酒闌鐙暗踏歌還滿隄零落垂楊影  
雨中廖松舟

沅江

過訪兼示近詩作此奉報

新春十日梅花香記君飲我清暉堂今君盲雨過老屋

味真閣集卷上

五

六月又已終三伏平生鬱鬱將何求一俯一仰成春秋  
昨朝桃李花開豔今日梧桐葉落愁人生會合如萍迹  
我輩羈棲直落魄寂寞空吹南郭竽逍遙自著東山屐  
慚愧昂藏七尺身年年潦倒向風塵中宵翦燭看長劍  
醉裏狂歌憶故人江郎走馬京華道五月束裝苦不早  
霜橋

王郎徙宅西湖濱囊橐琴書何草草

小獻

厲君三

十爲郎官蕪城別我向長安

茶心

年荒豈免負米歎金

盡纔知行路難別有黃君才橫肆半生旅迹皋橋寄竹

雲

作詩苦被雞林求行路偏逢醉尉嗚嗟子混迹棲蒿



萊房櫳不埽生青落消磨此日足可惜悵望舊雨胡不  
來今君過我意良厚譽我新詩不去口君才十倍曹子  
桓籬下羈棲定難久君不見昂昂天馬從西來奔騰蹴  
踏風沙開會須直上黃金臺安能老死蕘塵埃

題藍田叔畫

遠山一角染青蒼臨水三閒舊草堂閒讀道書門未啟  
不知谿上柳絲長

題繆氏水西園

四圍竹樹擁山亭亭下依依柳色青老鶴歸來門已閉

味真閣集卷上

无

落花聲裏白梳翎

寄懷陳小雲別駕

裴之

已是知名早何妨識面遲士龍今復見天馬不能羈吐  
屬皆風雅文章發怪奇莫嫌清瘦甚無限錦囊詩  
感事多豪氣論文亦雋才胸中森壘塊腕下起風雷咳  
唾紛紛落珠璣粒粒來分明靈業在彈指見樓臺

矯矯舒夫子

鐵雲

僊才世共知君曾推父執我亦得師

資回首清談日傷心訣別時聞君敦古誼令我益淒其  
賤子悲歌士孤懷枉籥雲功名遲鄧禹遇合感終軍車



腳勞成味蘭心靜挹芬好將明月意遙寄杜司勳

同家鐵琴 高鏞 晚飲水香村墅

四圍鷗國水茫茫水上輕颺拂面涼自理釣竿亭畔立

亂蟬聲裏送斜陽

當筵酒美更魚肥小閣燈紅客未歸風露峭寒花氣靜

綠楊陰外水螢飛

同作

張高鏞 鐵琴

綠雲四面繞迴廊無數名花近水香閒把釣竿池上

立就中飛出兩鴛鴦

味真閣集卷上

三

臨波一抹好樓臺泥我頻傾碧玉杯燈暗酒闌風露

冷溼螢如雨撲簾來

秦淮水榭重晤陳小雲

恩恩一別又經年今日相逢各惘然猶記碧城仙館夜

燈明酒熟話蟬媽

飛揚意氣竟潛銷病榻相依太寂寥 時小雲姬人新病 況是吳

娘歌水調熟梅天氣雨瀟瀟

每拈紅豆記相思無奈明宵欲別離自採芙蓉江上去

不知重見又何時



江上卽目

幾株楊柳護落磯茅屋參差竹樹稀寂寞江天風浪靜  
晚來惟見鷺鷥飛

獨笑

豪宕猶如昨沈淪竟至今有時成獨笑乘興或長吟難  
滿悠悠口誰明皎皎心焦桐三尺在海上覓知音

秋日山行

亂峯鴉點散零星沙路橫斜轍未停有客搖鞭煙樹外  
鬚眉都帶晚山青

味真閣集卷上

秋墳

平原蒼莽日斜時幾處荒墳傷古遠冷雨人尋蘇小墓  
西風鬼唱鮑家詩故交落落悲華屋衰草離離讀斷碑  
惆悵白楊霜下隕那堪重見臥狐狸

舟夜

落日下荒洲蒼茫水氣浮客程千里夢江上一孤舟急  
浪連天起寒雲帶水流飄飄何所託心事問沙鷗

舟過燕子磯

嶄然山忽住突兀見磯頭落日千峯色長江萬古秋天



隨羣嶂斷風逐亂雲流身世終何託忘機羨白鷗

夜泊江口

夜氣寒如此勞勞問去程大江流斷夢孤艇逼殘更落  
拓消奇氣艱難愧此生長隄十圍柳對爾不勝情

雨中同碧谿上人暨篠村玉農絮塘泛舟江上

晚潮初上釣魚磯惆悵煙波夙願違漠漠江天殘照遠  
白蘋花外一鷗飛

秋日巴歎雲

堂所

招同寄琴槐卿游樸園

清秋發游興有約入園來佳節重陽近西風野菊開怡

味真閣集卷上

三

情新竹樹入畫妙樓臺詩思清如水何勞暮雨催

宿秋馥山房同槐卿夜作

風定雨無聲涼天欲四更危崖山果落虛室夜鐙明酒  
醒衾嫌薄秋高夢亦清只愁泥滑滑猶滯筍輿行

鴻雁篇

肅肅四鴻雁結隊相翱翔晨飛凌寒風宵行冒嚴霜風  
霜豈不苦所樂有頡頏一雁入雲中青霄任飛揚兩雁  
相和鳴音響何琅琅一雁墮泥塗中心慘且傷繒繳雖  
未加鍛羽神徬徨一雁既失所三雁各斷腸天路正迢



迢齊飛羨鳳凰

斜日欲落秋聲遠聞獨坐有感書四十字以當長

歌

露電光陰速秋風已滿林羣聲攻耳雜萬感約心深青  
鬢絲將改高天日易沈老親艱苦意振觸動悲吟

北山

欲看楓葉已凋殘古寺荒涼落木寒老鶴未歸茶正熟  
松花如雨下空壇

蕭瑟寒鴉繞樹嘯一條樵徑暮雲迷滿山落葉無人迹

味真閣集卷上

三

自背斜陽上大隄

送竹雲入都

顯晦原無定斯行意若何聽風曾白下指日渡黃河天  
上春花好江南舊雨多朋交分袂日懊惱是驪歌

家仙槎丈

寶

屬題泛槎圖

一曲清流泛畫橈水晶簾底聽吹簫離情嗚咽都難說  
付與秦淮上下潮

秦淮留別

西風五兩送輕航楓葉蕭疎柳葉黃卻向石城回首望

紫金山色曉蒼蒼

石城蚤發



磯頭百尺起樓臺  
磯下濤聲激怒雷  
曾記夜涼登絕頂  
滿天星斗看潮來

燕子風帆

城頭吹角晚風寒  
一抹高樓擁大觀  
蘆荻蕭蕭潮正長

波心捧出爛銀盤

瓜洲晚泊

上方宮殿聳峻崢  
金碧樓臺照眼明  
星月滿江孤鶴醒

天風吹下塔鈴聲

浮玉觀潮

鶯花煙月漫流連  
打槳閒尋第五泉  
多少樓臺彈指盡

大隄垂柳自纏綿

邢水尋春

三十六陂春水晴  
晚風吹散棹歌聲  
舟人笑指湖心說

味真閣集卷上

曾見珠光似月明

震湖問津

淮流清淺雜黃流  
南北迢迢共一溝  
無數船郎停不發

同來篷底話春愁

清江候牖

莽莽洪濤閃夕曛  
檣帆過眼付煙雲  
乘槎若問河源去

定有支機石贈君

黃河晚渡

一葉輕舟客夢孤  
瀟瀟篷背雨聲麤  
漫天雲氣模糊甚

寫出襄陽潑墨圖

臨清阻雨

車輪歷碌幾時休  
且喜關津不稅愁  
十萬人家殘夢裏

一鞭霜月過盧溝

盧溝曉騎



十丈紅塵車馬馳素衣經澆竟成緇長安名士多於鯽  
也著江南老畫師

帝城春色

湖上經行望眼舒本來富貴屬 皇輿樓臺壯麗丹青

古小李將軍畫不如

昆明聚秀

峯頭塔影矗晴空複嶺重岡氣勢雄山徑紆迴行不盡

卻從馬上聽松風

盤山疊嶂

疊嶂嶙峋幾百重茫茫遮徧碧芙蓉城頭有客披風立

笑指平岡臥白龍

恆巒積雪

烏盡弓藏不再論蕭蕭墓樹向黃昏未央宮殿俱荒草

味真閣集卷上

五

高嶺猶畱廟貌尊

韓嶺悲風

掌迹中分想巨靈永教華岳得真形秋來雨過天如洗

開出蓮花數朶青

太華晴嵐

雙闕中分雪浪摧濤聲終古激晴雷莫疑文字雄奇甚

親向龍門濯足來

龍門激浪

萬丈晴嵐馬首迎橫空屏障倍分明漢家警蹕東巡日

曾聽傳呼萬歲聲

嵩屏曉翠

披衣夜半陟危峯下界雞聲曙未終風露滿天星斗暗

金輪湧出海當中

岱峯觀日



高樓空闊舉杯看玉宇新懸白玉盤  
鐙炮夜闌人語息  
萬家臺榭夢中寒  
大觀賞月

漢陽樹色隱蒼蒼  
千里江流接大荒  
更向樓中吹玉筵  
自澆杯酒弔崔郎  
黃鶴晚眺

斜日扁舟過洞庭  
白雲何處弔湘靈  
煙波蕭瑟芙蓉冷  
遙指君山一角青  
洞庭煙櫂

高閣凌虛俯急湍  
看霞幾度倚迴欄  
朝朝孤鷺飛如故  
不見清才王子安  
滕閣看霞

五老奇峯蕩蕩開  
長年飛瀑雜誼厖  
渾疑織女機絲斷

味真閣集卷上

三

挖下銀潢匹練來  
匡廬飛瀑

森森三十六奇峯  
峯下盤迴盡古松  
日暮自歸山寺去  
白雲深裏聽疏鐘  
黃山雲海

樓臺一抹畫中過  
如蟻游人向晚多  
七里山塘鐙火接  
納涼風裏聽笙歌  
虎阜納涼

一棹輕舟興渺然  
六橋楊柳暗生煙  
半帆斜日鐘魚冷  
搖過湖心蓋飯船  
西湖春泛

餞春館同人分韻柳絮

長隄柳色綠參差  
又到江城脫絮時  
三月光陰飛電過



一春心事落花知可憐世上隨飄泊恰似人閒有別離  
莫怨託根無定處飛揚終到鳳凰池

庭前玉蝶梅一株二月將盡作花數枝妍潔可愛  
杏花零落小桃榮忽向牆邊見玉英比似美人眞絕世  
可憐遲暮若爲情

由揚州歸眞州

嫋嫋東風片席催不勞打槳渡頭來蓬窗微雨雲陰黯  
飽看桃花十里開

送程葦白妹聿之贛南三截句

味眞閣集卷上

七

春陰黯黯太無聊送爾扁舟趁晚潮已是離懷禁不得  
那堪重聽雨瀟瀟

楊花飛白水拈藍一路人家正浴蠶相贈數枝紅芍藥  
卻從江北望江南

新綠依依已滿林惱人情緒是沈陰遙知此後相思意  
抵得春潮十丈深

同石林槐卿坐秋逸軒

幾日未出戶風吹綠滿園雨聲纔過耳草色倍消魂花  
蜜蜂初鬧庭閒鳥不諳主賓蕭散甚坐久各忘言



雨後同玉農筱村鐵琴小步城東

雨霽溼雲盡平原澹有煙偶來流水地值此暮春天飛絮白無影夕陽紅可憐青袍都似昔春草自年年

訪隋宮遺址

綠楊三月東風春廣陵歌吹絲管新  
竭來城西尋舊迹馬蹏踏碎黃沙塵  
停鞭下馬爲延仁野草荒榛餘斷磴  
欲問隋朝宮殿基白髮衰翁爲我語  
在昔煬帝來淮東曾敕長吏建離宮  
飛閣流丹凌碧落迴欄耀彩互長虹  
迴欄飛閣鬪奇詭玉簫金管沸天起  
舞袖還依翡翠屏

味真閣集卷上

三

調箏卻傍珊瑚几箏聲嘈雜遂聲幽絳仙終日愛遨遊

楓林春草兼揚子大雷歸雁又迴流

皆宮名

別有迷樓接

星漢三千宮女如花粲帳捲芙蓉帶玉鉤簾挂珍珠押

銀蒜珠簾寶帳幾彎環宮妝高髻墮雲鬢飛仙卻在水

精殿離宮近傷茱萸灣清歌曼舞忘朝暮君王日向花

中住銅龍燒燭蠟成堆金鴨焚香煙似霧香銷燭燼夜

更闌宛轉蛾眉春夢殘鴛鴦被角金釵墮鸚鵡簾前玉

鏡寒宮中竟日方歌舞宮外徹天烽火舉一隄垂柳伐

爲薪百斛冷螢散如雨往事茫茫春復秋歌臺舞榭等



雲浮梁閒燕到春無主帳裏鵬來鬼亦愁吁嗟往事都  
如此絕代繁華成逝水野狐嘯歎暮猿哀澤葵憔悴紅  
蘭死蒼莽平原日欲斜蕭蕭暮樹正嘯鴉零甌破瓦都  
難覓歌罷楊花又李花

湖上冶游詞同茶心作

湖上相逢問妾家湖邊小立夕陽斜郎歸不識妾門巷  
記取門前紅杏花

小金山上楊柳稀小金山下藕花肥與郎打槳花深處  
閒看鴛鴦作對飛

味真閣集卷上

堯

孫曉屏卒於都中哭之以詩

十上長安道勞勞雨雪行不能全性命何事欲功名旅  
館青雲墜高堂白髮驚平生師友誼腸斷若爲情

阮梅叔明經

詩

屬題珠湖漁隱圖

風帆沙鳥接蒼茫一棹煙波入水鄉定有珠光似明月

夜深來照讀書堂

城南漁浦暮潮寒依舊清暉畫裏看我有草堂大江上  
十年長把釣魚竿

二月十七日茶心招同棹坪小獻石林篠衫篠村



集石林味菘舫以到此詩情應更遠爲韻分得  
遠字

花朝倏已過春色鬪清婉招邀結良會情致同懇款舊  
雨若風花歷亂散莎阪今茲快良覲歡然集樞楫元箸  
各超超清談俱混混大塊揚精華花柳交婉婉春波漾  
清溪時鳥嘯丹巘嗟余雙眼昏看花獨苦晚識短慚窺  
豹腹淺陋飲醜今晨與良會興致亦清遠落落惜麤豪  
溫溫學謙損王郎天壤才抑塞甘棲遁澆愁幸節飲努  
力勸加飯城隅鐙火稀夜深閉高榭涼月小於丸自照

味真閣集卷上

罕

幽人返

寄懷王柳村徵君

豫

落梅遂裏動相思又到江城五月時記否峭風殘雪後

碧城仙館夜談詩

去冬同徵君集頤道堂與陳雲伯司馬小雲別駕王井叔茂才論詩至漏

三下  
始散

楚楨屬題伊墨卿太守師 秉綬 平山增祀圖

歐蘇壇坫擅風流後有新城繼唱酬屈指百年遺愛盡  
文章太守屬汀洲

隔江山色尚依然賓讌雍容想昔年萬樹桃花紅抱屋



一厄親爲薦寒泉

廿年應試張童子曾列春風絳帳旁  
重向西州門外過  
那禁回首惜滄桑

追悼鐵琴

豈是乘風返玉京如何來去特分明  
平生待我忘師弟  
不信斯人隔死生  
草草別離三日病  
茫茫燈火十年情  
殘篇斷稿親收拾  
許汝長畱沒後名

逝水華年二十餘  
皎如初日照芙蓉  
天然年少耽吟詠  
自覺才多好讀書  
不使衿青天阨汝  
頓教髮白轉愁余

味眞閣集卷上

望

可憐冥漠誰司命  
忍奪人閒掌上珠

巴歎雲招同潘松巖

鶴齡

汪名時

際昌

文小獻篔

衫石林念樓諸君水香村墅小飲

抱城一曲水蒼茫  
向晚風來水亦香  
自倚紅闌搖羽扇

亂蟬聲裏送斜陽

沿隄楊柳綠陰疏  
蓮葉田田畫不如  
打槳卻從花裏去

碧雲如水看叉魚

風景依稀迴未殊  
低徊往事太模糊  
樽前莫怪傷情甚

咫尺黃公舊酒壚

往歲偕舒鐵雲孫蘊嵐兩君飲此去歲復偕鐵琴看花此亭今皆謝世爲



之愴

然聲嘹亮倍增愁何異山陽感舊遊多謝素娥能解事  
當筵贈我月如鉤

茶心招同李少白琪暨石林復飲東城少白首賦

一詩屬和

樹陰下圓月清影入池塘不辨花何色都疑水作香螢  
光浮淺碧蟬語送新涼隔座歌聲起纏緜倚曲廊

可歎

誰家庭院太淒涼粉壁塵封古屋荒可歎梁閒雙燕子

味真閣集卷上

望

朝朝猶自作巢忙

坦率

坦率人稱直麤疏自覺狂敢云敦古誼共說有癡腸  
碌心如石蕭蕭鬢蚤霜此中誰可語一醉百憂忘

江頭

向晚江頭過荒涼百感生一帆殘照隱十里暮雲平  
破屋無煙火荒原有哭聲流亾今尙爾何事問浮名

阻風金山遂宿壯觀樓

北風吹水立孤艇怯新寒偶借山樓住因窮海若觀大



江流夢遠畫角逼更殘欲看朝暎上披衣獨倚欄

同作

李應勳 敘園

不到金山寺而今五十年江流還似昔人事迥非前

兄弟虛存淚

時送二弟應熙  
六弟應杰歸葬

滄桑感變遷回頭望北

固忍淚對青氈

舊會偕應熙弟讀書  
北固山之海嶽庵

渡江

冥濛烏榜趁潮開月落山寒雁語哀一夜小舟眠不穩  
櫓聲搖夢過江來

由謝公新城之東城

味真閣集卷上

望

雨過荒郊麥有芽駸駸馬足踏黃沙一鞭遙指西風裏  
十里看山直到家

晚過新城有感時水災稍退難民未歸

謝公風雅望備敵有新城寂寞千秋事荒涼百感情幾  
家動煙火一路有嘯聲爲語流亾者冬來可力耕

書歐陽公論救賑江淮飢民劄子後

江淮多水災況復逢饑年凶荒時告困調劑賴大賢救  
荒鮮長策懷古尋遺編維昔歐陽公論賑有鴻篇纍纍  
千百語憂民心勤拳嗟哉天災行飢民最堪憐賑濟或



後時宛轉溝壑填生前不得食死後飽烏鳶枯骸相撐  
拄飢魂欲顛天我昨經江淮江淮水濺濺墟落何蕭條  
十舍九無煙安得百歐公調劑未事前懷古重悲哀掩  
卷心淒然

宿燕子磯

一棹深更住危崖指顧中村雞曉夜月山鬼跽西風衰  
葦連江白疏燈映水紅秋心無賴甚何處有征鴻

獻花崖示普照上人

四山回互處一徑入秋煙寺古松門破崖高石磴懸林

味真閣集卷上

罌

泉原夙好香火亦前緣證取茶三昧蕭閒坐悟禪

瀨水舟中

瀨水經過一棹輕風光到處足怡情滿村紅樹低圍屋  
四面青山曲抱城入市魚蝦隨酒賣依人雞犬應時鳴  
倘教十畝容棲隱定與農夫共課耕

西埠村

老屋三間傍釣磯疏林黃葉曉霜稀分明一幅雲林畫  
只少寒鴉幾箇飛

寒夜有懷竹雲霜橋寄琴槐卿都中



向晚北風緊無端念旅人虛堂殘雪墮孤館夜鏡親別  
思蒼涼起交情冷澹真料應能憶我同此意殷勤

外河謠

眞州邑瀕江干大江水勢趨江南眞州在北岸潮緩沙  
積外河之口成盛灘 盛灘淤全河血脈鬱不舒盛夏  
潮漲猶通舟秋冬乾涸成平衢 萬民生機賴此河外  
河不通生機頓絕民奈何 乃有李君名應勳目擊民  
困憂心殷慨然創議率鄉人以河道情形控於 帝聞  
帝下督臣與巡鹽御史謂此儀河急須經理其速興

味眞閣集卷上

望

工安我赤子

鹽官與鹽商視儀猶駢指儀河難拊鹽

將於瓜州徙痛癢本無關何惜儀民苦民欲訴苦不期  
而聚蟻集蜂屯來擊鹽所大使鼓擊鼓人幾何盈千累  
百不能數 民心不平民怨同聲羣情洶洶大吏心驚  
鹽所大使引疾杜門邑宰伍公是用拊循忽然寒谷回  
陽春 伍公見督臣曰民心惶急宜飭速挑河眾議乃  
可息督臣飭鹽官鹽官更委看治病治其源估工先盛  
灘 盛灘至安灘東西三十里限款十二萬十二員經  
理十二員中誰急公曰惟父母伍公伍公之外崔參戎



安灘謠

臘月朔風寒潮落見安灘灘寬水淺河身窄鹽艘欲進  
難復難進不能退不可欲進水淺沙膠船欲退惟大  
江大江風浪常連天見鹽不能捆見飯不得食窮民  
皇皇叩求鹽商天寒風急衣裳單鹽商圍鑪坐曲房聞  
言無策心茫茫萬事逼歲將殘傷皇傷皇潛行安灘  
望望鹽船歸來長歎安灘下條忽築土壩安灘中條  
忽搭鹽篷鹽篷絲互數百閒地勢蕩蕩人叢叢創此議  
者惟陳公陳公築壩立壩頭披風冒雪夜未休淤深

味真閣集卷上

吳

一丈水不流築椿運土聲伊嗻回視巡役皆垂頭屢呼  
不應聲齶齶灘寬淤深築壩費工椿排兩旁金門中  
通潮來金門開潮退壩合龍築壩工費數百金一一出  
自公囊中土壩成鹽篷起鹽篷成萬民喜蓬成能捆  
鹽捆鹽錢來活我婦子不然束腹度殘年十人九人饑  
餓死安灘瀕江臬徒潛蹤歲暮捆鹽憂心忡忡不避  
艱險能矢公忠旣明且哲惟我陳公陳公年未及三  
十陳公長不滿七尺面白如玉雙眼赤眼何以赤往來  
安灘晝夜不能息



送陳小雲別駕歸江都

遠略籌河日夜勤江頭折柳悵離羣十年慣聽吳孃曲  
暮雨瀟瀟又別君

題澄懷堂詩稿後即寄小雲別駕

朝華鮮豔芙蓉開清姿濯濯逃塵埃風裳水佩驚絕世  
倒騎白鳳仙人來君家詩才堪歎咤碧城仙館羣仙下

燕寢凝香索句時

雲伯大令暨龔羽卿夫人管靜初  
女史麗僊若僊兩閨秀皆工詩 鴛

幃擁髻評花夜

汪允莊夫人王宛  
香女史亦皆工詩 君詩寫生妙入神君

才流水蓬蓬春悔存齋裏重相見

黃仲則  
大尹集 瓶水軒中有

味真閣集卷上

七

替人

舒鐵雲  
孝廉集

餘事偶然耽翰墨韓杜心胸班范識欲將

水利論東南先向河渠定西北

君有西北水利  
條議數萬言

去年治

劇來真州相見執手薊雨樓感事千言中時弊善後六

策陳民憂

君有真州治河善後  
六策纍纍數千言

自從送別垂楊岸絮迹

萍蹤各零亂落落空存懷袖書恩恩又見華年換君今

赴選黃金臺霜蹠蹠踏如奔雷干將莫邪易缺折願斂

鋒穎成全才人生聚散真草草且讀君詩破煩惱紅燭

幢幢照畫簾如見詩人顏色好

登燕子磯絕頂望大江



大江流到此怪石鎮狂瀾不見波濤險安知宇宙寬水  
天連一氣日月浴雙丸木葉蕭蕭落高秋生晚寒

雨花臺

荒臺搖落後遊子一登臨野寺無人迹寒林有磬音山  
光隨郭轉帆影隔江深花雨空陳事遺基猶至今

登雨花臺遂至呂祖閣

爲訪城南勝芒屨次第探古臺支落照巒嶂擁晴嵐風  
力三秋勁江光一氣涵卻聞清磬響應有紫雲庵

游雨花臺後寺

味真閣集卷上

吳

細草通幽徑長松出化城客先秋雨到雲逼晚山生曲  
澗盤泉脈空林度梵聲前朝興廢感賸有暮鴉鳴

大霧登北極閣

山影看不見四圍都是煙但隨幽徑轉忽覺到峯巔滿  
地生秋草繞湖開白蓮上方真寂靜清磬一聲圓

翠微亭

盤回上翠微亭古游人稀急雨過山腹天風吹我衣江  
光流不盡雲氣欲何依一片蒼茫裏裊裊忍便歸

寓齋枕上偶成



數盡高城漏五更東方黯黯未曾明廿年潦倒雄心盡  
慚愧鄰雞脰膊聲

由觀音門至下關

夙有耽游癖登臨豁素襟路爭飛鳥上天入大江沈谷  
暗團雲氣秋空澹客心舉頭發長歎響徹碧雲岑  
緣延得幽勝心與境俱開怪石撐山出奇峯拔地來幽  
崖滴陰雨斷壑走晴雷亦有秋聲起聽時不覺哀  
清興眞無極峯巔放夕陽歸鴉團樹黑落葉點衣黃遠  
水澹無影深林行有香平岡回首望煙靄極蒼茫

味眞閣集卷上

兜

遊永濟寺

維纜近磯嘴登登理晨策一寺插江天石路犖确入積  
翠鎖煙深疏杉走風急古壁森嶮巖巨靈如拱揖中有  
千蓮花簇擁大士立溯自開鑿初實借五丁力陰陰日  
光漏黯黯天影窄徑轉竭幽深須彌納一粒放眼心開  
朗俯睇股戰慄誰華生秋堂雄虹矚巖側歸路已頽陽  
松徑半昏黑

月夜登燕子磯觀江潮

江風淒緊江鴻渺山月荒寒山鬼歎危磯一角插長流



有客登臨恣清眺，礮碓怪石盤山根。沙嘴直欲江門吞，  
迴瀾鞞紋散萬頃。紅霞中閃魚尾痕，衝風強踞磯上頭。  
百道銀河空際流，混茫不辨潮與月。攪成一片江天秋，  
六朝浩劫應如此。安得磯飛同燕子，燕子不飛潮又來。  
清輝長照東流水。

晚行江岸

一雨忽然住，新涼似早秋。山高餘溜瀉，江闊晚煙浮。  
浩波長捲茫茫我，欲愁忘機羨漁父。常此託扁舟。

遊期秋日舟過京江

味真閣集卷上

辛

過眼光陰總欲愁，月明今夜照扁舟。接天雲影西津樹，  
捲地濤聲北固樓。歲月悠悠千古恨，江山草草六朝秋。  
英雄淘洗歸何處，惟有寒潮日夜流。

初至京江李築巖竹泉昆仲邀游象山憩普賢庵

我昨渡江來，好山青滿目。高低遠近閒，名區累千百。或  
言象山勝，中有幽棲宅。兩峯相迴環，未經巨靈擘。我生  
性喜游，欣然著雙屐。遠見山勢高，近覺山徑窄。紆迴八  
九里，宛轉到山脊。豁然勝境開，頓覺天地闊。焦山當面  
來，招之近咫尺。大江浩茫茫，橫空作一畫。天風兩腋生。



塵愁萬斛擲，倏復轉後山。蜿蜒路幽曲，山草自生香山。  
花皆可摘，古樹勢鬱蟠。野鳥鳴格磔，中有普賢庵。頗可  
憩，行客左倚大江流。開窗見商舶，風帆片片過空影。落  
几席右，倚山之根萬丈立。峭壁陰崖忽，皴漏天光露。一  
隙老僧飲我茶，使我煩襟滌。引我入後山，指我幽棲迹。  
此時日欲晡，洶湧生暮汐。聲如萬馬馳，奔騰復瀟澹。金  
山閃夕陽，璀璨添丹碧。羣峯相連，縣各各逞。妮媿鐙火  
出，前村歸途半昏黑。夜夢亦心清，蟲語虛堂夕。

游焦山循三詔洞登吸江亭

味真閣集卷上

五

大江直下三千里，中流突兀焦山起。江神何年鬱壘塊，  
憑空湧出波濤裏。片帆送我山門前，山靈遠迓色驚喜。  
琳宮紺宇何崔巍，蜿蜒壓在山坳底。山僧導我躡飛梯，  
怪石砭砭怖山鬼。峭壁萬丈鬱嵯峨，磨崖無數題名字。  
就中紹聖及隆興，安民務觀猶可指。山崖多刻宋元人  
書，惟紹聖三年陳  
安民等題名及隆興甲申  
陸務觀題名猶髣髴可見有洞窈然幽且深，傳聞焦先  
曾隱是深衣。大帶何蕭閒，肖像此中享禋祀。幽徑別轉

登陟勞後者，頂及前者趾盤旋。百級到山巔，江光山影  
一氣紫。淩蛟激波拜馮夷，長風吹空翻海水。白浪齊傾



萬斛珠青天鋪作一張紙瓜步牛首望不清依稀髣髴  
而已矣前年記向金山游直上浮圖望東海一泓杯水  
日月浮九點齊州豆登峙飛蕙接棟侈丹碧陸離璀璨  
鬪譎詭繫余素性耽幽寂茲山邃古無與比魚與熊掌  
各有欲吾將舍彼而取此

焦山古鼎歌

并序

鼎圓腹三足兩耳雲雷文高尺三寸二分徑一  
尺八寸銘詞直立鼎內凡十行七行行九字三  
行行十字詞曰惟九月旣望甲戌王格於周廟

味真閣集卷上

五

燔於圖室司徒南仲右無專入門立中庭王呼  
史友冊命無專曰官司鳩王道側虎方錫女元  
衣帶束戈瑯戟縞繹彤矢攸勒鑿旂無專敢對  
揚天子丕顯魯休作尊鼎用享於朕烈考用割  
眉壽萬年子孫永寶用共九十四字皆篆籀文  
相傳故京江某巨公家物前明分宜柄國時欲  
之不卽獻乃嫁禍焉鼎遂入嚴氏嚴氏敗復歸  
江南某公以禍由鼎作不祥舍之焦山寺其說  
見池北偶談然考焦山誌云鼎傳於揚州魏氏



分宜以不得此鼎嘗欲罪之魏氏懼子孫終不  
保遂送焦山據此並未入嚴氏也余按焦山本  
名樵山自漢末徵君焦先隱此始易今名此鼎  
故周時彝器乃流傳轉徙卒與此山並歸徵君  
是可歌也

虛堂闐寂晝晦冥四壁光怪躡山靈巋然古鼎列中座  
圓腹雙耳雲雷形高尺三寸徑尺八金精內蘊無銅青  
篆籀九十有四字一一腹內豎鐫銘或云此乃南仲物  
司徒南仲有可徵叶或云此名無專鼎文曰無專入門

味真閣集卷上

五

立中庭對揚天子丕顯魯休命銘詞高古類六經當年  
南仲作鼎日大功炳耀在王廷受冊於朝銘諸鼎子孫  
永寶作典型藏自有明揚州魏懷寶曾遭丞相噴丞相  
勢敗冰山倒突如拔去眼中釘見宋史達人自懷懷璧罪

送之山寺配盃劔我思鑄鼎尙在成周全盛日未有春  
秋六國與嬴秦秦歷漢末又復幾百載而後聞有焦先  
稱隱淪此山竟爲先生有此鼎終與先生親我今來謁  
先生像得見此鼎光澤無點塵高貴豈止萬金值厚重  
如見三代人但願永脫兵燹水土劫常與金山玉帶傳



千春

瘞鶴銘歌

銘爲華陽真逸傳上皇山樵書舊刻焦山之足  
波濤衝擊日久崩墜每當天寒水落好事者搨  
而傳之僅得鶴壽不知其幾數字耳湘潭陳文  
恪募工泗而出之按原刻補綴成文立於大雄  
寶殿之右世傳此銘爲晉右軍將軍王羲之書  
蘇子美黃魯直皆信之人遂於上皇山樵下僞  
增逸少字然歐陽永叔以爲不類羲之筆法而

味真閣集卷上

書

華陽真逸或以爲陶宏景或以爲顧況迄無定  
說今姑作歌以記之

霹靂怒擊崩崖石石飛入江江水黑帝遣天吳下守護  
水府百怪皆驚匿此碑書家最寶貴字迹模糊難盡識  
上皇山樵書撰文華陽之真逸銘詞猶畱七十有七字  
高古疑出晉人筆真迹既不存響搨日增出湘潭太守  
信好古爬揆抉剔窮水國零星奇字發光怪或整或碎  
或敲側一一捧出蛟龍宮順文依次排甲乙矗立大雄  
寶殿右護以雕欄覆以室誰與信此右軍書蘇子美與



黃魯直後人僞增逸少字竟坐右軍將軍之筆墨峯山  
徵士丹陽外仙尉此十餘字點畫未剝蝕其餘闕泐不  
可辨誰敢以意妄揣測畱此鎮山門永與此山無終極  
但恐龍威丈人攫取去人間至寶難再得

竹林寺

日影照不到油油見綠陰危崖環古木曲徑隱禪林幽  
邃少人迹啾啾晚暮禽寺門應未遠鐘梵度清音

藏經樓

此是藏經所巽巽百尺樓迴看羣嶂合遠見大江流日

味真閣集卷上

五

色澹將夕松濤清寫秋分明千佛在靈業幾生修

虎跑泉

在昔虎跑處殘碑有字鐫我聞此泉出相激作珠圓今  
日尋遺迹荒池起暮煙偶然思茗飲相對愛涓涓

招隱寺

昭明讀書處遺迹未蒿萊況有聽鷗客曾經載酒來滿  
山生細竹老樹長青落聞說遠公在重看蓮社開

坐招隱寺丈室

此閒清靜地塵慮豁然清萬籟寂無響幽禽時一鳴深



松生暮色新竹作秋聲絕少黃鸝語空勞載酒行  
山寺荒逾僻山僧老更閒龕燈明有燄階草蔓初刪  
蓋新茶熟前峯古鶴還絕無人迹到悄悄閉荆關

獨行北固山後

幽懷渺無際山徑與之長一路多芳草回頭見夕陽  
茫茫江水遠颯颯山風涼明日渡江去相期一葦航

由石馬橋至瓜州

涼月一丸小開帆近四更我經揚子驛東指潤州城  
客夢清如水春潮夜有聲惱人朝霧重山影不分明

味眞閣集卷上

五

自竹林寺至獅子窟夜宿蘭若

一徑入山曲山腰草色深危峯銜落日古木束高林  
幽壑有奇境老僧無市心蒼茫飛鳥外亭子踞高岑  
峯頭聊獨立莽莽見斜陽到此忘塵事因之宿上方  
廚分香積飯火逗佛燈光暝坐不成寐鐘聲一枕涼

夏日坐環翠江村呈外舅李蓉衫先生

天地有靈境山水結幽奇欣厭由人心習久故不知  
惟茲名勝地近傍長江涯金鼇與浮玉左右映陸離  
大江白如帶南山綠如帷清景相迴環映帶屋四圍  
枚乘工



辭賦觀濤曲江湄當年曲江地傳聞卽在茲況復有諸  
郎學禮兼學詩插架三千卷金薤琳瑯垂雖云塵凡境  
頗作天際思我聞蓬萊山起落與潮隨大海浩茫茫中  
流鎖嶽巖秦皇與漢武想望空依稀此言殊怪誕未必  
眞如斯卽如環翠村四面山嶮崎設令人難到應作仙  
境疑我來當季夏蓮花開滿池林陰蔽炎暑元蟬鳴高  
枝終年坐老屋林木無由窺遇茲清妙景性情爲之怡  
恨不移書來朝夕共讀之

焦山松寥閣曉起

味眞閣集卷上

三

酒醒披衣起牀頭見大江驚濤寒到枕野鳥暗窺窗客  
夢如雲亂僧鐘破曉撞漸看朝日出紫氣激奔瀧

登吸江亭

孤亭撐碧漢古佛鎮江頭

亭有四  
面佛

萬里波濤湧雙丸日

月浮風聲吹海近潮力挾山流卻喜濃陰布千章夏木  
稠

由吸江亭入後山

別尋山後徑濃蔭倍陰森老樹撐千丈危崖劈萬尋此  
中無熱惱一路有蟬吟頗欲當風坐閒彈石上琴



訪借庵長老海西庵

卸卻住持事消閒樂晚年禪心明月夜詩思暮雲天坐

庵後  
仰上

軒祀楊忠愍公像四  
壁皆嵌公碑版文字

夜坐松寥閣示海峯上人

今宵天欲雨畱我宿禪林小坐得幽趣清談生隱心松  
濤高嶺合蟲語夜鏡深窗外孤舟過誰人叩楞吟

雨後坐環翠江村

疾雷驅雨過田水綠盈陂么鳳鳴桐葉疏蟬噪桺枝江

味真閣集卷上

美

光新月下山色晚晴時況有同心侶清談慰積思

登甘露寺凌雲亭晚眺

西風蕩蕩吹天青送我直上凌雲亭凌雲之亭太高特  
巖巖萬仞摩蒼冥亭前何所有長江如帶趨東溟風帆  
葉葉都不見但見蓮花之瓣飄零星亭後何所有南徐  
諸山列畫屏濃青澹碧忽遠近一一蜿蜒如龍形我聞

此處觀七塔江南江北皆分明我目模餽見四五其餘  
髣髴不盡清是時斜日已欲落大江浩浩潮有聲水中  
日影齊晃耀魚鼉潛伏蛟龍驚長空萬里一色紫半天



疑是朱霞生兩點金焦列左右茲山中鎮何嶙峋南朝

四百八十寺殘碑斷碣皆沈淪如此江山真第一

上有延陵

吳郡書天下第一江山六字

一江一山六字 歷劫不共滄桑平當年孫劉競雄長日

事攻戰尋戈兵公瑾之計咄可怪讐敵倏爾爲姻親至

今溜馬澗尙在大書深刻磨崖銘南人乘舟北使焉此

語誠是何必爭偶然之事成勝迹俯仰今古感慨增夕

陽西下東月升一泓玉宇推車輪歸我環翠之江村城

頭之鼓報一更

過笠庵

味眞閣集卷上

堯

樹陰遮不住隱隱見團瓢山勢壓簷重江聲捲地驕僧

敲蘭若磬客聽海門潮歸路西風緊蕭蕭荻葦搖

由竹林寺夾山入招隱寺

夕靄沾衣溼白雲當面過殘陽深樹遠落葉此中多寺

晚鐘初動林荒鳥自歌無人復招隱惆悵欲如何

由象山渡江至焦山

江水夾江流江船難暫畱橫風吹水面急浪打船頭一

翦孤帆過雙峯夕照浮山門看已近先聽暮鐘幽

由笠庵後窄徑登北固山



清秋發幽興探奇到巖壑長吉風雅人李竹泉晨起相邀

約偶經笠庵後看山心喜躍欲鬪膽氣雄甯示足力弱

巍巍北固山萬丈森如削樵徑畱一綫逼仄更嶄岩捷

足恣攀援所仗藤鉤絡沿緣甫及半山勢足駭愕當面

石巉巖仰首峯峯崿失笑似猿升驚心同狙獮俯身一

下顧迷茫眼疑膜進退不容趾私心倍駭懼浮沙礙行

步恨未著芒屨但恐天風來一吹如隕穉欲前不得前

欲卻不能卻始信人海中中流難立腳攀樹暫瞑目聊

且安魂魄奮力復前進十指代斧鑿石隙垂草根冥心

味真閣集卷上

李

暗捫摸轉側數折旋凌兢更盤躩忽然登山巔心胸萬

里拓羣峯何蒼蒼遠水但漠漠風帆東西行樓船小如

勺回視所經路心膽欲墮落危險竟何擬六馬馭朽索

陟險雖足戒吾生且行樂

同李竹泉登象山絕頂

振衣躡屐履崔巍同向名山絕頂來濁浪西迴江勢轉

洪流東注海門開盤空風力鵬翎健滿地秋聲雁語哀

昨日金山登眺處夕陽猶見妙高臺

題李春泉聽泉圖



癡雲幾日圍江村  
昨宵急雨新翻盆  
清谿流水聲雷響  
匹練倒挂蛟龍奔  
披圖忽見李長吉  
脫帽科頭神暇逸  
萬樹松風絕壑清  
四山瀑布爭流急  
恍兮惚兮入耳來  
水耶雲耶相裊裊  
天風浪浪不能息  
但覺萬派爭喧豩  
我昨扁舟上浮玉  
小酌中冷抵醞醑  
驚濤拍岸浪如山  
容我中流閒濯足  
大江東去水迢迢  
迢終古江聲捲地驕  
明日刺船京口渡  
與君同聽海門潮

阻風焦山信宿自然庵示玉衡定峯兩上人

東風如有意吹我到名山  
又是三年別重偷  
幾日閒塵

味真閣集卷上

空

心消水石秋色滿  
禪關依舊雙峯好  
驚心兩鬢斑

別峯庵

半山亭已失來訪  
別峯庵樹影千重  
護江光一氣含  
徑危防步滑  
龕冷愜幽探  
日暮下山去  
林煙生晚嵐

海西庵重訪借庵長老

不見貫休久  
蕭蕭雪滿頭  
禪心消萬感  
詩卷足千秋  
我昨挈舟訪  
滿山黃葉幽  
海門畱法界  
還與共登樓

問渡亭

江淨覺潮生  
夜涼看斗轉  
萬籟悄無言  
微聞隔林犬



瘞鶴銘

瘞鶴舊有銘銘字極軒翥月黑夜江寒鶴飛不知處

三詔洞

言過法界樓重尋三詔洞洞外樹蕭蕭幽禽發清唳

枯木堂

重來枯木堂海雲秘窗戶不見吟詩僧牆陰見銅鼓

觀音崖

觀音崖最竒大觀臺特壯西望石頭城茫茫捲白浪

石壁庵

味真閣集卷上

奎

疏樹鳴元蟬閒花招冷蝶石壁樹陰森空階落黃葉

秋夜懷人詩

秋雨經旬閉戶索居撫念知己觸撥吟懷悵者

舊之凋零慨朋儕之散處靜夜不寐各係一詩

雖顯晦不同存沒異迹反之寸志相感則均昔

淵明寂處時念停雲少陵客游亦懷舊雨蓋性

情所發難已於言唯摛辭述事不逮古人是所

愧耳

團椒鐙學博 維埔



瓠南老人星魯國靈光殿好學竟成癖八十猶不倦論  
古口懸河看書目飛電手鈔三千紙腹挂一萬卷

善人贊呂雙橋廣文

舉世趨俗學士林鮮真儒品節既不講將疑禮法拘躬  
行而實踐先生庶幾乎斯人不可作一痛聲淚俱

鄭公古循吏風骨何高寒作宦多善政感入民肺肝歸

家三十口飽飯猶艱難博得好聲名山左第一官

汪歌石處士

味真閣集卷上

汪丈隱逸士行誼多近古孤潔寡交游守正甘貧窶賣  
畫作生活一介不苟取有僕共饑寒有妻共甘苦

汪公古汪劍潭太守師

皇天哀苦行節孝後必昌夫子稟慈訓蚤歲名譽彰作  
宦未十年利器甘潛藏眼看兩珠樹森森立廟堂

善人竟無後不能解此理夫子真人師品誼重鄉里中  
年三喪妻五十得一子有子身且凶身凶子亦死

舒鐵雲孝廉



脚根萬里路踏破齊州煙胸中萬卷書開出舌底蓮但  
覺水在瓶不信才如僊詩人宜成佛孝子宜生天

家老薑布衣

鏐

作篆不一體秦漢皆在手作詩不一格唐宋皆在口性  
情微近僻形容不嫌醜一卷求當集人閒流傳久

風賦 家少蓮仲兄

官保

阿兄風雅士好吟出肺肝末俗敦古誼力能爲其難一  
踐友朋約千里輕波瀾我讀楚江吟惻惻猶心酸

王勤甫明經

壻

味真閣集卷上

齋

抱才久不遇謀食甘遠游橐筆暫依人終歲常懷憂區  
區科第名由來同浮漚龜勉愛此身高堂正白頭

風賦 李維之上舍

祖祐

夙抱經世學苦少真知已汲引忽有人倖進性所恥四  
十喪老親甘以身殉死壯志成飄煙遺書付流水

不周介存教授

濟

周子負奇特昂藏七尺軀手拓五石弓胸貯千卷書作  
宦不快志溷迹闖闖居元龍湖海士豪氣惜未除

風賦 吳寄山茂才

仕榛



我愛吳季重具有真性情負米奉高堂家貧舌代耕守  
正不趨時四十名未成艱難敦古風之子真豪英

趙穀庵上舍

懿

金石工刻畫冰斯常在手多才工倚聲生性好飲酒落  
落率性真茫茫寡儕偶拋卻好西湖浪向天涯走

黃竹雲孝廉

盛修

黃子負才華鄉里知名久風雅性所好佳句在人口閒  
來揚州住困來長安走憂來好吟詩悶來莫使酒

孫曉屏孝廉

昱

味真閣集卷上

奎

讀書數十年養氣士所貴我愛孫蘊嵐循循儒者氣聲  
音笑貌閒觸處皆書味惜哉一第艱親心難早慰

江霜橋比部

紹禧

江大吾舊交其性近孤冷及其為文章光彩何彪炳對  
客口若緘讀書力最猛閉門治經義不見一人影

家松盒秀才

式壽

胸中萬古愁眼中百斛淚生年未三百無一稱意志  
大竟何補才多反為累古有傷心者斯人殆其類

家槐卿孝廉

高鑄



沈約腰最痿衛玠神獨清搖豪作詞賦才氣何縱橫口  
吃少言論性篤寡友生與我偏情密清談每四更

潘小江秀才 宗菽

作詩有別才此語不我欺我友潘安仁九齡工吟詩思  
如春空雲孃孃隨風吹吟壇老輩多不敢爲其師

後懷人詩

余前作懷人詩數十首寄思慕之意兼別離之  
感性情所屬偶溢於言秋夜漸長鐙窗岑寂感  
念前哲棖觸朋交日有所作復得詩二十餘首

味眞閣集卷上

矣

其中多英奇雋偉之才與樵悴專一之士略述  
梗概聊伸鄙懷至若盟心之契或無一辭握手  
之交乃有題贈蓋寄興偶然本無定見故也

施小鐵宗丞 朝幹

少年工文章早歲得科第經術最湛深品節自刻勵長  
才用未竟五十乃長逝卓哉正聲集煌煌足名世

方竹樓司馬 元鹿

詩卷盛囊中筆墨繫肘後信手皆成文逢人便飲酒佳  
句無時無狂歌有時有處窮不自知達哉漆園叟



趙雪蓬處士

參

趙丈孤介人名參亦名昱長年坐小樓插架皆籤軸終日祇吟詩無端忽痛哭咄咄最怪事平生白冠服

尤水邨處士

廡

游山攜雙屐出塞著短衣廿年客長安歸來仍掩扉吟詩不救貧賣畫或療饑嗟哉青石庵草深人迹希

吳杏江孝廉

嘗因

吳丈性孤癖所行不合時老病無子女依僕爲扶持埋骨向青山紅葉紛陸離月夜魂歸來繞墓猶吟詩

味真閣集卷上

七

汪文錫教授

兆鉞

東南浮薄俗鄉校多華士先生道義躬書味入骨裏氣息醕於醪功名澹如水嗟哉哲人逝吾將安仰矣

方補莊文學師

勤濟

刑官多無後有後亦奇窮夫子名宦裔而以諸生終再娶既無子晚乃兼瞽聵一領破青衿送入黃土中

家葵圃別駕

能精

作字愛晉唐吟詩喜陶杜舉動不合時行迹自入古口亦善滑稽性復多慢侮人以爲疏狂吾以爲媚嫵



白坦庵齋尹 守清

鹽官無他長所長惟飲酒何哉此白丈蒼生欲援手賑  
荒先赤子恤貧急孀婦卓哉善政傳不愧名臣後

白敬庵明府 守廉

功名成進士出為百里侯但問百姓苦不叩大吏頭百  
姓愛如父大吏疾如讐迂儒將何為付之一筆鉤

家僮槎司理 寶

神禹畫九州先生歷其七豪興極飛騰天才更奔逸澳  
門望海濤泰山觀日出兩冊泛槎圖海內驚奇筆

味真閣集卷上

突

汪朗園孝子 炯

汪君貌枯瘠信為山澤癯奉母居名山顏色常歡娛滿  
山種寒梅花月交扶疏三復白華篇斯人其庶乎

李蓉衫外舅 應熙

三日不相見五日忽聞疾七日猶能言十日忽已卒身  
世兩茫茫親朋皆雨泣傷哉知已恩涓埃報未得

汪飲泉明經 潮生

秋尹頤而長炯炯兩青瞳覓食桑梓閒翻作寄居蟲詩  
賦靡不能詞律尤精工借問似者誰庶幾白石翁



童石林上舍

錫齡

石林長於書方圓工布格行草靡不能真楷更無敵中  
歲忽作畫聲名一時赫爲我繪秋山遙遙數峯碧

范雨村秀才

凌震

揚州大都會豪侈成風俗雨村負才華屏居曲巷曲坦  
率無城府清狂謝拘束高吟蜀道難琅琅聲振屋

吳合浦舍人

廷珠

早登拔萃科久作長安客橐筆入薇省頗善簪花格五  
應春官試一第不能得茫茫身世憂四十頭盡白

味眞閣集卷上

究

楊季子上舍

大承

季子名將裔頗耽翰墨緣示我碑版文古氣中鬱盤才  
富境則窮口不名一錢黽勉繼前型慎勿受人憐

楊次雲上舍

錕

右丞詩有畫野王畫有詩我愛楊次雲二者能兼之畫  
似董香光詩擬韋左司畫或有人求詩則無人知

厲茶心駕部

同勳

兵曹不談兵終日惟覓句入座多賢豪交游頗當路工  
愁不自知好飲亦無數十年困一官久向京華住



吳梅孫秀才

鑑

作文喜徐庾吟詩愛元白八分工結構金石能刻畫本是韜鈴後而為詞賦客科名雖未成清才慎自惜

金篋伯上舍

震

篋伯風雅才翩翩拔塵俗搖筆為文詞雲委兼波屬生性好狹邪多情工度曲其文豔於花其人美如玉

吳芳圃秀才

大年

愛好本天然力學如不及有家忽中散生子復少卒心雄命則慳憂深鬼伯逼九原不可作斯人難再得

味真閣集卷上

七

余瑩石上舍

官晉

大厦一木支時窮萬事逼騎驢走京華憔悴無顏色生  
成鸞鳳姿豈終困枳棘黽勉加飯餐養此凌霄翼

陳小雲別駕

裴之

家人有嚴君閨中得美婦父固循吏才婦亦工詩友奇  
福已盡兼壯懷更無偶一卷澄懷堂詩膽大如斗

程沛膏明經

愷

程子慎言行臧否不出口富貴念本無功名心則有金  
椎中副車負此霹靂手何以消壯心昏昏惟飲酒



家寄琴孝廉

積功

五十住京華蹤迹太落落獨耽翰墨緣頗談經世略其人既高華其才復宏博冠蓋滿都門斯人獨寂寞

黃修存明經

洵

寶劍未出匣已有干霄氣黃子富才華年少特奇麗腕下有煙雲胸中蘊經濟相思已十年一別又三歲

感舊詩

吳穀人祭酒師

錫麒

效顰曾自笑東施翻累人前說項斯一瓣心香何處熟

味眞閣集卷上

圭

玉梅花下月明時

熊介茲觀察師

方受

美酒蘭陵一棹遲淒涼風雪鶴歸時山邱華屋都零落愁讀東阿五字詩

汪劒潭太守師

端光

綠莎庭院題詩處曾累鐙邊反覆看今日蕭條深巷過槐花零落夕陽殘

周石帆侍郎師

系英

梅花嶺下忠臣墓劇賞風簷七字詩張觸平生知已淚



天安門外雨絲絲

後感舊詩

林琴龔司馬

棲鳳

生平瀟灑愛林逋自寫新詩筆力麤  
薶骨青山又三載西風滿地落楸梧

舒鐵雲

位

王仲瞿

曇

兩孝廉

才人弄筆傷元氣落魄聊安造化心  
舒雅凋零王粲死夜深鬼歎答楓林

樂蓮裳孝廉

鈞

味真閣集卷上

圭

青楓落落烏啾啾樂廣清言聽已休  
卅載風情如小杜只應薶骨在揚州

吳芳圃

大年

家松庵

式壽

兩秀才

虛堂冷雨下淒淒落葉寒鐙舊夢迷  
一片青山如畫裏墓門空見杜鵑啼

秋夜懷人詩

錢梅溪徵君

詠

梅花谿上老居士傳聞新自天台回  
不知劉阮舊游處曾啖仙桃一飽來



王桺村徵君

豫

兩點金焦到眼青詩徵閣裏聚精靈明年三月桃花放  
重掉扁舟訪翠屏

許季青上舍

乃椿

西湖才子許丁卯寄我新詩近十篇三年欲答無一字  
臨書執筆心茫然

屠琴隴太守

傳

屠侯臥病西湖久空有龔黃政績傳聞道豪情都減盡  
藥鑪經卷伴殘年

味真閣集卷上

黃春谷大令

承吉

高才祇有黃山谷終日吟詩不閉門長短歌行誰比似  
前惟元白後梅村

李介石徵君

穀

自有書名過北海儘多佳句敵青蓮阻風中酒尋常事  
浪迹揚州二十年

潘朗巖秀才

曦

潘君守正甘貧困爛漫天眞古性情難得汪倫工賞識  
五年江月許同清



阮梅叔明經

亨

珠湖水接邗溝誰仿春陵次道州  
我有災黎詩數首  
好將事實紀瀛舟

汪竹海舍人

全泰

鬢絲禪榻風情減  
經卷茶鐺感慨多  
卅載豪情銷欲盡  
慙慙秋雨病維摩

徐玉臺秀才

尙之

簾底飄鐙花底簫  
徐郎詞句太無聊  
不知水閣琵琶夜  
彈斷冰絲第幾條

味眞閣集卷上

七

謝佩禾上舍

莖

太傅兒孫玉樹枝  
飄零湖海亦堪悲  
生平長物曾何有  
贏得囊中萬首詩

廖岷山秀才

沅江

去年飲我讀書堂  
正是秋風早桂香  
同有豪情託詩酒  
卻憐塵鬢各蒼蒼

梅蘊生秀才

植之

梅生手筆兼三絕  
瀟灑襟懷託素琴  
只有汪汪黃叔度

十年塵外訂知音



諸春巖上舍

所

諸郎作畫愛吳綾日費隄廩汁數升生面獨開尋法乳  
祇應秋岳與青籐

王岳士上舍

霖生

王郎才調清無比小楷書成格勢工海內三梁零落盡  
只君書訣繼家風

尤水村處士

廡

空傳人與此堂高青石庵中長亂蒿出塞游山詩數卷  
端應才筆繼風騷

味真閣集卷上

壹

凌芝泉參軍

霄

太息孤雛覓食難一棺零落冷湖干高情惟有陳同甫  
能念西華葛帔寒

謂雲伯  
大令

李少白上舍

琪

生前爛醉干盃酒身後飄零百首詩猶憶東城圖畫裏  
石欄橋畔獨吟時

汪歌石處士

榮懷

身有千創難語病人餘兩口不成家

二語處士  
病中作

詩情哀

怨悵心魄三峽猿聲塞外笳



王小獻治中

安瀾

王郎羈旅太蕭條只願他年諡洞簫夢想西湖歸未得

秋風兩鬢漸蕭蕭

對季子舍家

周介存教授

濟

三載潛身虎豹叢劇思殺賊著奇功秋風病酒淮壩卧

孤負腰間霹靂弓

介存工文善武林清之變往來戎馬間數載

王二波都尉

嘉福

井叔秀才

嘉祿

信有將軍不好武生來稚子亦能文才人已死將軍老  
虎豹重闔更不聞

味真閣集卷上

美

張俠君

永祥

張侯有力桓如虎殺賊紛披仗鐵槍老作諸侯舊賓客

可憐兩鬢白如霜

事詳舒鐵雲孝廉陳雲伯明府屠琴陽太守張鐵槍歌

李築巖

廷弼

竹泉

廷誥

兩秀才

竹林寺後山幽僻石窟中間老屋支不到南徐將十載

至今猶記對牀時

黃脩存明經

洵

楊季子上舍

亮

黃生怪草摹張旭楊子奇文擬屈平猶記城南鐙火夜

華筵濃醉聽春鶯



李辛父秀才

佳伯

崆峒詩句接三唐兩載相思欲斷腸料爾孤吟明月夜  
滿林松子落空廊

汪冬巢明經

潮生

洪湖波浪湧渾渾說到災黎淚欲吞似此流民誰繪得  
只君才筆似監門

劉楚楨明經

寶楠

劉郎不見將三月知爾離騷屈子心讀史詩篇豪激甚  
自將家世溯東林

味真閣集卷上

七

家寄琴孝廉

積功

洪湖泛濫湧驚波惆悵秋風瓠子歌不識書生持手版  
卻將何策去防河

潘小江秀才

宗菴

聽暖每下三聲淚寫恨耽吟百首詩十載憐才知已盡  
可憐憔悴鬢成絲

家槐卿孝廉

高鑄

下第歸來興寂寥那堪秋雨極飄蕭虛堂臥病將三月

狼籍名園早桂凋



汪夢梧上舍 彥樹

每憶汪倫風度好江頭一別路漫漫滕王閣上題詩句  
才筆分明似子安

石樵先生遺詩

味真閣集卷上

夫



